

# ZO MULI

## Yesu itula ngua pa Yoane hana zo muli kâ

Rom nenzi koipu halarala sikai kazâna halar tina panzi kalo-tawana tamâta, kala sio Yesu ne pâri-tamâta Yoane imo luma sakamao nia lâ Patmos sia kulu. Yoane itu ipu tini kaika panzi Maro Kindeni ne ngu simo Esia tâno, kala ingere ngua hine panzi. Yesu Kirisi itula mâsi wa mbupuleja kie-kie pa Yoane hana vetâna pinde ma ipânga lâ zo muli. Mine kala ngua râra ikeno lâ pepa hine tini nde ngua tambirâna nâ, aku ne duvi handai ipânga nia yo nga. Andeta hine ipânga nia yo; Yesu ne kaika nde halar ndo, kala lâ zo muli i ma ipole Sadana marumbu lâ, kala kinda kalo-tawana tamâta rârani ma tamo ara ndo kuku nenda Maro Halar lâ samba ilo ku tamo nâ.

---

**1** <sup>1</sup>Ngua hine nia ndoyo ikeno paveâna nâ, kala hine nga Yesu Kirisi itula pwataki ipânga nia yo. Maro Kindeni io ngua hine lâ Yesu kawa hana i kala ma itula panzi ne wurâta tamâta, hana kinzi ma sisama vetâna rârani nao laiti hana ipânga kâ. Mine kala Yesu isupwa ne aŋelo tonje imâ itula ngua hine pa i ne wurâta tamâta naŋa Yoane. <sup>2</sup>Naŋa Yoane amora vetâna hinde lâ, ande kala atula Maro Kindeni kawa ngua, ngua hinde Yesu Kirisi itula pwataki lâ. Aku naŋa aporo mine: ngua hine nde mao kanaŋo. <sup>3</sup>Ngua hine nde Maro Kindeni kawa ngua. Mine nde tamâta ea ipono ngua hine panzi tamâta pinde, ande i ma ikura tu indeka nâ. Aku tamâta ea kinzi siloŋo ngua hine ku sipaveta kuku, ande kinzi hinde tona ma sindeka nâ, hana tu zo halar hana vetâna rârani hine ma ipânga kâ, ande imâ ipânga laiti lâ.

### Yoane ingere ngua panzi ngu lima kanaŋonzi rua

<sup>4</sup>Naŋa Yoane aŋgere ngua hine imâ pa miki tamâta lâ ngu lima kanaŋomi rua kamo lâ Esia tâno hinde. Maro Kindeni uru imo, kala siŋgani imo mine nâ, aku muli i ma imâ ipânga. I ne wisi-wisi wa wisi-pisi wa imâ pami. Aku kinzi koroani ara lima kanaŋonzi rua nenzi

wisi-wisi wa wisi-pisi wa kala imâ pami mine nâ. Koroani ñinde uru simo Maro Kindeni ne sajonâña nia nao. <sup>5</sup>Yesu Kirisi nde tamâta ñana itula Maro Kindeni kawa ñgua pwataki kâ. Ina imuñga panzi tamâta rârâni ñana imandi lâ mateña nianzi imo via kilo, aku imo mbâna-mbâna panzi koipu ñalañala rârâni lâ tâno kulu. I tamwata ne wisi-wisi wa wisi-pisi wa imâ pami mine nâ. I ilo ndo keno pa kinda, aku i tamwata see ñinde izavaru nenda kiesaka rârâni piti marumbu lâ. <sup>6</sup>Aku nanayoni i iveta kinda tapânga tamo koipu ñalañala lâ i kalo, aku tamo patarawâña tamâta ñalañala ñana taveta wurâta papa i Tama Maro Kindeni kâ. Ara ñana kinda ma tapanea Yesu Kirisi ña tasuka kâki. I ne walo nde ñalae tina, uru imo mine ku imo nâ. Mao.

<sup>7</sup>Miki kalonjo ñga; i ne zo laiti ñana ma iyoka take-take ilo indue imâ. Tamâta rârâni ma simora ñine lâ matanzi, aku kinzi tamâta ñinde muñga ua nâ sisowe i, ande kinzi ñinde kala ma simora i imâ mine nâ. Aku tamâta rârâni simo lâ ñgu ndoni lâ tâno kulu ma kalonzi ñgere ñana i kâ, ku ma siveta kalo-kalo ku sita pâta kanaño. Vetâña ñine ma ipânga mine nâ. Mao.

<sup>8</sup>Maro ñalae Kindeni, i Walo Tamwata, ande iporo mine; “Ñaña warakângu amo muñgani lâ, kala ma amo muli ndo.” Inani kala ñine imo, aku siñgani imo mine nâ, aku muli i ma imâ ipânga.

### Yoane imora Yesu Kirisi

<sup>9</sup>Ñaña Yoane, miki nimi-nambwe kalo-tawana tamâta ñaña. Kinda nenda kalo-tawana nde keno pa Yesu, aku ñaña amo miki nawalami ñana takai malia tava nâna kie-kie ñana nenda kalo-tawana ñinde kâ. Maro Kindeni ikai koipu ñalae pa kinda rârâni, aku kinda rârâni uru tamandi kaika tapasuka ñana takale malia kâ. Muñgani, ñaña atula Maro Kindeni kawa ñgua, aku apatula ilonngu kalonngu pwataki tu ñaña kalonngu tawana Yesu. Ñana duvi ñinde kâ, ande kinzi siñara ñaña ku siona amo sia tonje kulu, i ña tu Patmos. <sup>10</sup>Ñaña amo Patmos sia lee, ñineñga lâ pwareña ne zo sapâña tonje, ande Koroani Sapâña ipañando ñaña kaika lâ. Aku ñaña alonjo kawa tonje isarâwa kaika pa ñaña muliñgu, itogo tando ita mine. <sup>11</sup>Kawa ñgua ñinde imâ pa ñaña mine tu, “Vetâña wa kelekele ndia noko ma kumora, ande kungere ñgua ñana vetâña wa kelekele ñinde lâ pepa tini. Aku kuo pepa ñinde ilâ panzi ñgu simo lâ lawea lima kanaño rua ñine: Efesus, ñga Smerna, ñga Pergamum, ñga Taiataira, ñga Sardis, ñga Filadelfia, ñga Laodisia.”

<sup>12</sup>Ñineñga ñaña apupulia tu ma amora ea kala iporo ñgua ñine pa ñaña. Ñaña apupulia lâ, aku namora sinâla lima kanaño rua, muñga siveta lâ mira “gol”. <sup>13</sup>Aku amora tamâta tonje itogo Tamâta Natu mine imandi lâ sinâla ñinde ñgininzi. Ipasawa pasawaña luandondo indue ikeno kie kumbu, anga lalava mota tonje nde ilelea lâ kondondoni tona.

Kinzi muŋga sisuta lalava mota ŋinde lâ kaimbo “gol”. <sup>14</sup>I kulu pwau nde pâne ndo, itogo wâke pwau wa take-take pâne mine. Aŋga i mata nde itogo yââ ŋalae tina ne mela-mela mine. <sup>15</sup>Aŋga i kie nde salaga-salaga, itogo “baras” uru simomo lâ yââ ŋalae kulu ku ipâŋga zuli-zuli ndo. Aŋga i kaŋa nde nduŋeŋa ŋalae, itogo lââ ŋalae isowe indue ne nduŋeŋani mine. <sup>16</sup>I nde isaŋa pitu lima kanaŋo rua lâ mbau wia kâ. Aŋga pila kazâŋa kâ, mata âla mwasina, ande ikeno i kawa ilo ku iyâti imâ. I tamwata nao nde salaga ndo, itogo kari ne sinâla mine.

<sup>17</sup>Naŋa amora i lâ, ŋineŋga patana ndue lâ i kie tini, atogo tamâta imâte lâ mine. Andeta io mbau wia kâ lâ naŋa kulungu, aku iporo mine tu, “Noko kururu ndimo. Naŋa warakâŋgu amo muŋgani lâ, aku ma amo muli ndo. <sup>18</sup>Naŋa nde Via Tamwatâŋgu! Muŋga naŋa amâte, andeta kumora ŋga; kala ŋine naŋa amo viâŋgu mine ku amo nâ. Aku naŋani nde tamâta ŋana akai poe pa mateŋa wa mateŋa nianzi wa.

<sup>19</sup>Mine kala noko ma kuŋgere ŋgua lâ pepa tini ŋana vetâŋa wa kelekele rârâni noko kumora lâ, aku ŋana vetâŋa wa kelekele rârâni kala ŋine ipâŋga, aku ŋana vetâŋa wa kelekele rârâni noko ma muli kumora tona. <sup>20</sup>Noko muŋga kumora pitu lima kanaŋo rua ikeno pa naŋa mbaŋgu wia kâ, aku kumora sinâla lima kanaŋo rua tona. Vetâŋa paveâŋa ŋinde kie ikeno mine: pitu lima kanaŋo rua ŋinde nde itogo kinzi ŋgu lima kanaŋonzi rua nenzi aŋelo. Aŋga sinâla lima kanaŋo rua ŋinde nde itogo ŋgu lima kanaŋonzi rua ŋinde warakanzi.”

### **Ŋgua ilâ panzi kalo-tawana tamâta ŋgu simo Efesus lawea**

**2** <sup>1</sup>Tamâta ŋinde iporo mine tu, “Noko ma kuŋgere ŋgua pinde lâ pepa tini ilâ pa Efesus ŋgu ne aŋelo. Ŋgua ŋine nde mine: ‘Naŋa uru asaŋa pitu lima kanaŋo rua ŋinde pa mbaŋgu wia kâ, aku uru ayoka sinâla lima kanaŋo rua ŋinde ŋgininzi. Naŋani ao ŋgua ŋine imâ pa miki. <sup>2</sup>Naŋa asama lâ ŋana nemi vetâŋa arara rârâni wa nemi wurâta kaika uru kaveta ŋinde. Ŋinde itula kilalami pwataki tu miki uru kamandi kaika. Aku naŋa asama tu miki tinimi pwapwaka ndo panzi tamâta sakamao. Kinzi muŋga siporo ŋgua pami mine tu, “Maka nde pâri-tamâta”. Andeta kinzi nde pâri-tamâta laŋeŋa nâ, aku miki kasamanzi lâ ku kamora nenzi ŋgua kilala pwataki. Aku ŋinde itula pami tu kinzi nde laŋeŋa tamwatanzi. <sup>3</sup>Tamâta pinde sisama tu miki uru kaponu muli pa naŋa, aku ŋana duvi ŋinde kâ siveta kenzi sakamao pami. Andeta naŋa asama tu miki uru kamandi kaika ku kakale malia ŋinde, aku miki uru kalomi loko ŋana malia ŋinde kâ, ande tia.

<sup>4</sup>Ŋinde nde ara ndo. Taitu naŋa ilongu ŋgua pinde pami ŋana aleleami kâ. Lâ zo ŋana nemi kalo-tawana ipâŋga wasaseki yo, ande miki ilomi ndo keno pa naŋa. Aŋga lâ zo ŋine, ande miki ilomi keno mine, ande tia. <sup>5</sup>Muŋga, miki kaveta vetâŋa ara nâ. Aŋga lâ zo ŋine, ande miki kapile

nemi vetâŋa ara ŋinde lâ, aku patami marumbu lâ. Mine kala naŋa apaimi tu miki ma kalomi ŋgere kilo ŋana vetâŋa ara muŋga kaveta ŋinde, aku kapalele ilomi kalomi ku kaveta vetâŋa kilo, itogo muŋga kaveta mine. Ambo miki ma kaveta mine tia, ande naŋa ma amâ apâŋga pami, ku ma atikia nemi sinâla piti lâ ne ninia. <sup>6</sup>Andeta miki nemi vetâŋa ara toŋge nde keno mine: miki uru kakai nânâo pa Nikolas ne ŋgu nenzi vetâŋa. Naŋa kala mine nâ uru akai nânâo pa nenzi vetâŋa ŋinde.

<sup>7</sup>Ambo miki taŋami keno, ande kaloŋo ŋgua ŋine Koroani Sapâŋa itula panzi kalo-tawana tamâta ŋgu rârâni. Tamâta ea ipole kazâŋa ŋinde, ande naŋa ma asâu papa i tu ma ika via ne kâi ŋinde kanaŋo. Kâi ŋinde ikeno samba lawea, lâ Maro Kindeni ne tâno ara ŋinde.’ ”

### **Ŋgua ilâ panzi kalo-tawana tamâta ŋgu simo Smerna lawea**

<sup>8</sup>Tamâta ŋinde iporo mine tu, “Noko ma kuŋgere ŋgua pinde lâ pepa tini ilâ pa Smerna ŋgu ne aŋelo. Ŋgua ŋine nde mine: ‘Naŋa warakâŋgu nde amo muŋgani lâ, aku ma amo muli ndo. Muŋga naŋa amâte, kala ŋine amo viâŋgu kilo. Naŋani ao ŋgua ŋine imâ pa miki. <sup>9</sup>Naŋa asama lâ ŋana malia kie-kie uru ipâŋga pami, aku asama mine tu miki uru kamo togo sugorai tamwatami mine. Andeta samba ne kelekele rârâ ŋinde nde keno pami! Naŋa asama tu tamâta pinde uru siporo ŋgua pavaligiŋa pa miki. Kinzi tamâta ŋinde uru siporo tu, “Maka nde Juda tamwatama”. Andeta kinzi nde Juda tamwatanzi mao, ande tia. Kinzi nde Sadana ne ŋgu nâ. <sup>10</sup>Tini nâ miki ma kakai nâna, andeta miki ma kururu ŋana ŋinde kâ ndimo. Miki kaloŋo ŋga; Sadana ma igagatinzi tamâta pinde ilonzi kalonzi, kala ma sio miki pinde lâ luma sakamao ilo. Aku ŋana vetâŋa ŋinde kâ, ande i ma ikai samâŋa pa nemi kalo-tawana. Miki ma kakale malia wa nâna ŋinde ikura kari saŋao. Noko tamâta ea kalo tawana naŋa kaika ndindi nâ lee, ambo sipu noko pâta kumâte ŋana ne kalo-tawana ŋinde kâ, ande naŋa ma via mao alano, itogo noko ne kulu mine.

<sup>11</sup>Ambo miki taŋami keno, ande kaloŋo ŋgua ŋine Koroani Sapâŋa itula panzi kalo-tawana tamâta ŋgu rârâni. Tamâta ea imandi kaika ku ipole kazâŋa ŋinde, ande lâ zo muli, mateŋa mao ma ikura ŋana izavaru i kâ, ande tia ndo kanaŋo.’ ”

### **Ŋgua ilâ panzi kalo-tawana tamâta ŋgu simo Pergamum lawea**

<sup>12</sup>Tamâta ŋinde iporo mine tu, “Noko ma kuŋgere ŋgua pinde lâ pepa tini ilâ pa Pergamum ŋgu ne aŋelo. Ŋgua ŋine nde mine: ‘Naŋa akai pila kazâŋa kâ, mata âla mwasina. Naŋani ao ŋgua ŋine imâ pa miki. <sup>13</sup>Lawea miki uru kamo ŋinde, ande naŋa asama kilala pwataki lâ. Sadana nde ipâŋga koipu ŋalae lâ lawea ŋinde. Andeta miki uru kalomi tawana naŋa kaika ndindi ku kamo nâ, aku miki ŋandai kavea nemi kalo-tawana

ņinde ŋga. Muņga, tamâta toņge imo kumi, i ŋa tu Antipas. I ilo ndo keno pa naņa, aku ipono muli mao nâ pa nanenġu ŋgua. Aku ŋana duvi ŋinde kâ, ande sipu i pâta imâte lâ nemi lawea, laweani ndaina Sadana uru imo ŋinde. Andeta lâ zo sakamao ŋinde wa, ande miki kalomi tawana naņa kaika ndo, aku ŋandai kapile nemi kalo-tawana ŋga.

<sup>14</sup>Ŋinde nde ara ndo. Taitu naņa ilonġu ŋgua pinde pa miki ŋana aleleami kâ. Miki nemi tamâta pinde simo Pergamum lawea ŋinde, ande sikai ŋgua-tulâņa tamâta laņeņa Balam ne ilo-kalo kaika lâ. Balam ne ilo-kalo nde mine: muņga, Balam itula nzâla pa koipu toņge, i ŋa tu Balak, ŋana i ma ilaņenzi Juda tamâta tu ma simbe ŋana kiesaka kâ. Ŋinenga Balak ilaņenzi, kala siveta kiesaka mine: sika simbi muņga tamâta pinde sipatarâwa panzi maro laņeņa, aku siveta mâsi sakamao ŋana sipalulua warakanzi tininzi kâ. <sup>15</sup>Andeta ŋinde nâ tia; tamâta pinde uru simo kumi, aku kinzi ŋinde sipono muli pa Nikolas ne ŋgu nenzi ilo-kalo sakamao. <sup>16</sup>Mine nde miki kapalele ilomi kalomi ŋga! Ambo miki ma kapalele tia, ande tini nâ naņa ma amâ apâņga pami, aku ma apunzi tamâta ŋinde lâ pila kazâņa kâ ŋine ikeno kawâņgu ilo.

<sup>17</sup>Ambo miki taņami keno, ande kaloņo ŋgua ŋine Koroani Sapâņa itula panzi kalo-tawana tamâta ŋgu rârâni. Tamâta ea imandi kaika ku ipole kazâņa ŋinde, ande naņa ma samba ne kâpwa paveâņa alua i. Kâpwa ŋinde nde ŋa tu “mana”. Aku mira pâne toņge ma nalua i tona, aku ma aņgere ŋoa wasaseki lâ mira ŋinde tini. Tamâta pinde ma sisama ŋoa ŋinde, ande tia; tamâta tamwata ikai mira ŋinde, ande i simbo nâ ma isama.’ ”

### **Ŋgua ilâ panzi kalo-tawana tamâta ŋgu simo Taiataira lawea**

<sup>18</sup>Tamâta ŋinde iporo mine tu, “Noko ma kuņgere ŋgua pinde lâ pepa tini ilâ pa Taiataira ŋgu ne aņelo. Ŋgua ŋine nde mine: ‘Naņa nde Maro Kindeni Natu, aku matâņgu nde itogo yââ mela-mela ŋalae mine. Aņga keņgu nde salaga-salaga, itogo “baras” muņga sikai “brosi” ku sipua wa siyosi wa, kala zuli-zuli ndo. Naņani ao ŋgua ŋine imâ pa miki. <sup>19</sup>Naņa asama lâ ŋana vetâņa rârâni miki uru kaveta ŋinde. Naņa asama tu miki ilomi ndo keno panzi tinimi pinde, aku miki uru kalomi tawana naņa ndindi nâ. Miki uru kaveta wurâta kie-kie ŋana kavilanzi tamâta kâ. Naņa asama tu miki uru kamandi kaika ŋana kakai malia rârâni uru ipâņga pami ŋinde. Aku asama tu muņga miki kaveta vetâņa ara pinde. Aku lâ zo ŋine, ande nemi vetâņa ara nde ipâņga ŋalae ndo, ipole vetâņa ŋinde muņga kaveta.

<sup>20</sup>Ŋinde nde ara ndo. Taitu naņa ilonġu ŋgua pinde imâ pami ŋana aleleami kâ. Miki muņga kasâu papa taine sakamao toņge, kala imo kumi. Taine ŋinde nde itogo taine muņgâņa toņge, i ŋa tu Jesebel. I uru iporo tu, “Naņa nde ŋgua-tulâņa taine”. Andeta ilaņenzi nanenġu wurâta

tamâta, aku ŋana i kawa ŋgua kâ, ande kinzi uru siveta mâsi sakamao mine: kinzi sipalulua warakanzi tininzi, aku sika simbi muŋga tamâta pinde sipatarâwa panzi maro laŋeŋa tona. <sup>21</sup>Naŋa ilonŋu tu taine ŋinde ma ipalele ilo kalo. Mine kala naŋa ŋandai atoto i ne vetâŋa ŋga. Andeta i tini pwâka tu ipalele, kala ipile ne mâsi ŋana tini-paluluâŋa kâ ŋinde, ande tia. <sup>22</sup>Mine nde miki kaloŋo; naŋa ma pukonŋa ŋalae alua taine ŋinde, aku i ma ikai nâna ŋalae tina. Aŋga tamâta pinde uru sipalulua tininzi kuku i. Ambo tamâta ŋinde ma sipalele ilonzi kalonzi tia, aku ma sipile i ne vetâŋa ŋinde tia, ande naŋa ma nâna ŋalae tina wa malia alua kinzi tona. <sup>23</sup>Aku naŋa ma apunzi taine ŋinde ne vâsa pâta sipamateteu, ŋana kinzi kalo-tawana tamâta ŋgu rârâni ma sisama tu naŋa asama tamâta rârâni nenzi ilo-kalo marumbu lâ. Aku naŋa ma apare nia pa miki rârâni taitu-taitu, ikura vetâŋa ndia miki kaveta ŋinde. <sup>24</sup>Kala ŋine naŋa aporo ŋgua tonŋe imâ pa miki tamâta pinde kamo lâ Taiataira ŋgu, miki ŋinde ŋandai kapaveta kuku taine ŋinde kawa ŋgua ŋga. Miki ŋinde tinimi pwâka tu kapanâna ŋana ilo-kalo sakamao ŋinde uru sipatu ŋa tu “Sadana ne Ŋgua Paveâŋa”, aku ŋinde nde ara ndo. Naŋa ma ao tukuŋa pinde kilo imâ pa miki ŋana iveta malia pami kâ, ande tia. <sup>25</sup>Naŋa ao tukuŋa taitu ŋine nâ imâ pami; vetâŋa ara rârâni miki uru kaveta ŋinde, ande miki ma kaveta vetâŋani ndaina lee, ikura lâ zo ŋinde naŋa ma amâ apâŋga.

<sup>26</sup>Tamâta ea imandi kaika ku ipole kazâŋa ŋinde, aku ipaveta kuku naŋa kawâŋgu ŋgua lee tâno ŋine ne zo marumbu lâ, ande naŋa ma walo alua i. Aku i ma ikai naŋa ndamwâŋgu ku ma imo koipu panzi ŋgu ŋinde uru kalonzi tawana naŋa tia.

<sup>27</sup>“I ma ikai poe kaika ndo panzi tamâta rârâni, aku ma ipunzi pwapwataki, itogo tamâta ipu kulo pwapwataki kala punu-punu nâ ikeno.”

Naŋa kala muŋga akai Mama ndamwa ŋana aveta vetâŋa mine nâ.

<sup>28</sup>Andeta ŋinde nâ tia; tamâta ea ipaveta kuku naŋa kawâŋgu ŋgua, ande naŋa ma Pitu Mboi ŋinde alua i tona. <sup>29</sup>Ambo miki taŋami keno, ande kaloŋo ŋgua ŋine Koroani Sapâŋa itula panzi kalo-tawana tamâta ŋgu rârâni.’”

### Ŋgua ilâ panzi kalo-tawana tamâta ŋgu simo Sardis lawea

**3** <sup>1</sup>Tamâta ŋinde iporo mine tu, “Noko ma kuŋgere ŋgua pinde lâ pepa tini ilâ pa Sardis ŋgu ne aŋelo. Ŋgua ŋine nde mine: ‘Naŋa uru akai poe panzi Maro Kindeni ne koroani lima kanaŋonzi rua, aku asaŋa pitu lima kanaŋo rua ŋinde lâ mbaunŋu. Naŋani ao ŋgua ŋine imâ pa miki. Naŋa asama lâ ŋana vetâŋa rârâni miki uru kaveta ŋinde. Kinzi kalo-

<sup>a</sup> 2:28 Yesu isia ŋgua ŋana i tamwata kâ lâ Pitu Mboi tini.

tawana tamâta ŋgu pinde uru situla parinami tu miki kamo viami nâ. Andeta tia; miki kamâte lâ. <sup>2</sup>Miki kakeno ndimo! Kamandi sânda ŋga! Miki nemi vetâŋa ara pinde nde laiti ŋana imâte kê. Miki ma kapaveta kaika kuku vetâŋa ŋinde, ŋana tu nanenŋu morâŋa mine: miki nemi vetâŋa ŋandai ikeno sondo ndo lâ nanenŋu Maro Kindeni nao. <sup>3</sup>Ara ŋana miki ma kalomi ŋgere kilo ŋana ŋgua ŋinde muŋga kaloŋo ku kapaveta kuku. Kaponu muli sondo pa ŋgua ŋinde, aku kapalele ilomi kalomi! Ambo miki ma kakeno nâ, aku ma kamandi sânda tia, ande naŋa ma walele nâ amâ apâŋga pami, itogo nzanzare tamwata imâ ipâŋga mine. Aku miki ma kazizâla ŋana nanenŋu zo ŋana amâ apâŋga pami kê.

<sup>4</sup>Andeta tamâta pinde lâ nemi ŋgu lâ Sardis lawea, ande kinzi ŋinde ŋandai siveta nenzi pasawaŋa muso ŋga, aku ŋinde nde ara ndo. Mine kala lâ zo muli, ande kinzi ma sipasawa pasawaŋa pâne, ku ma soka kuku naŋa. <sup>5</sup>Tamâta ea imandi kaika ku ipole kazâŋa ŋinde, ande naŋa ma asawa pasawaŋa pâne mine nâ lâ i tini tona. Naŋa ma azavaru i ŋa piti lâ via ne pepa tini, ande tia ndo. Naŋa ma atula ŋgua pwataki lâ naŋa Mama nao, aŋga lâ i ne aŋelo naonzi tona. Naŋa ma aporo mine tu, “Tamâta ŋine nde nanenŋu tamâta”. <sup>6</sup>Ambo miki taŋami keno, ande kaloŋo ŋgua ŋine Koroani Sapâŋa itula panzi kalo-tawana tamâta ŋgu rârâni.’”

### **Ŋgua ilâ panzi kalo-tawana tamâta ŋgu simo Filadelfia lawea**

<sup>7</sup>Tamâta ŋinde iporo mine tu, “Noko ma kuŋgere ŋgua pinde lâ pepa tini ilâ pa Filadelfia ŋgu ne aŋelo. Ŋgua ŋine nde mine: ‘Naŋa nde sapâŋa tamwatâŋgu, aku naŋa nde ŋgua mao tamwatâŋgu. Naŋa asaŋa koipu ŋalae Daviti ne “ki”, aku kekelele ndia naŋa akai nzâla piti ŋana, ande tamâta tonŋe ikura ŋana isae nzâla kê, ande tia ndo. Aŋga kekelele ndia naŋa asae nzâla giri ŋana, ande tamâta tonŋe ikura ŋana ikai nzâla piti kê, ande tia ndo. Naŋani ao ŋgua ŋine imâ pa miki. <sup>8</sup>Naŋa asama lâ ŋana vetâŋa rârâni miki uru kaveta ŋinde. Miki kamora ŋga; naŋa akai nzâla tonŋe piti lâ miki naomi, aku tamâta tonŋe ikura ŋana isae kê, ande tia ndo. Naŋa asama tu nemi walo tini mwata nâ keno, andeta miki uru kapaveta kuku nanenŋu ŋgua. Miki ŋandai kapu mulimi pa naŋa ŋga. <sup>9</sup>Tamâta pinde simo kumi, aku uru siporo tu kinzi simo lâ Juda ŋgu. Andeta kinzi nde laŋeŋa tamwatanzi, ŋana tu kinzi simo lâ Sadana ne ŋgu. Miki kaloŋo ŋga; naŋa ma aonzi tamâta ŋinde simâ sipare tukunzi lâ miki kemi tini, aku ma siporo situla pwataki tu naŋa ilonŋu ndo keno pami. <sup>10</sup>Naŋa muŋga atu ŋgua kulu kaika pami tu miki ma kamandi kaika ku kakale malia kie-kie ŋinde ma muli ipâŋga pami. Aku miki muŋgani kapaveta kuku naŋa kawâŋgu ŋgua ŋinde. Mine kala lâ zo muli, ande naŋa ma akea ŋanami, lâ zo ŋinde samâŋa ŋalae ma imâ ipâŋga panzi tamâta rârâni lâ tâno kulu ŋana itogonzi kê.

<sup>11</sup>Tini nâ naŋa ma amâ apâŋga pami. Mine nde vetâŋa ara rârâni miki uru kaveta ŋinde, ande kakai ŋinde kaika ndindi nâ. Tia ma tamâta tonŋe imâ, ku ma ikai nemi vetâŋa ara ŋinde ne kulu saŋemi. <sup>12</sup>Tamâta ea imandi kaika ku ipole kazâŋa ŋinde, ande naŋa ma aŋgunu i itogo ŋgunu-ŋgunu ŋana isuka nanenŋu Maro Kindeni ne luma sapâŋa kâki mine. Aku i ma ipile Maro Kindeni ne luma sapâŋa ku iyâti ilâ pa nia yo kilo, ande tia ndo. Naŋa ma aŋgere nanenŋu Maro Kindeni ŋa lâ i tini, aku ma aŋgere nanenŋu Maro Kindeni ne lawea ŋa lâ i tini tona. Lawea ŋinde nde Jerusalem Lawea Wasaseki, aku muli lawea ndainani ma iyoka pa nanenŋu Maro Ŋalae Kindeni lâ samba lawea indue imâ. Aku naŋa ma aŋgere naŋa warakânŋu ŋânŋu wasaseki lâ tamâta ŋinde tini tona. <sup>13</sup>Ambo miki taŋami keno, ande kaloŋo ŋgua ŋine Koroani Sapâŋa itula panzi kalo-tawana tamâta ŋu rârâni.’ ”

### **Ŋgua ilâ panzi kalo-tawana tamâta ŋu simo Laodisia lawea**

<sup>14</sup>Tamâta ŋinde iporo mine tu, “Noko ma kuŋgere ŋgua pinde lâ pepa tini ilâ pa Laodisia ŋu ne aŋelo. Ŋgua ŋine nde mine: ‘Maro Kindeni ne ŋgua pâŋa rârâni nde ipânŋa kanaŋo lâ naŋa tiningu. Naŋa uru atula i kawa ŋgua sondo nâ. Naŋa nde kelekele rârâni warika, kelekele rârâni ŋinde Maro Kindeni muŋga ipulia ipânŋa lâ. Naŋani kala ao ŋgua ŋine imâ pa miki. <sup>15</sup>Naŋa asama lâ ŋana vetâŋa rârâni miki uru kaveta ŋinde. Naŋa asama tu miki nemi kalo-tawana nde kaika koŋa tia. Naŋa ilonŋu tu nemi kalo-tawana ma ikeno kaika tâku ma imbe ndo tâku. <sup>16</sup>Andeta tia. Miki nemi kalo-tawana nde keno kaika koŋa tia. Miki nemi kalo-tawana nde soki-soki. Mine kala naŋa ma azavarumi. <sup>17</sup>Miki uru kaporo mine tu, “Naŋa nde mbaliŋa warika tamwatânŋu. Nanenŋu kelekele rârâ ŋinde keno pana. Naŋa uru aroto ŋana kelekele tonŋe tia.” Andeta tia ndo. Miki kamo sakamao ndo, ikura ŋana tamâta ma kalonzi sukâŋa ŋalae tina ŋanami. Miki nde sugorai tamwatami, aku matami leva-leva lâ. Miki kamo tinimi kaa nâ. Mao nâ, miki uru kamo mine, andeta miki warakami nde kazizâla ŋana ŋine kâ. <sup>18</sup>Mine kala naŋa ilonŋu tu atula ilo-kalo ŋine pwataki pa miki kaloŋo: nanenŋu mira “gol” keno, muŋga yââ kana ku izavaru ne muso rârâni piti lâ tini. Mine nde ara ŋana miki ma kako mira “gol” ŋinde saŋe naŋa, ŋana miki ma kamo mbaliŋa warakami mao. Aku ara ŋana miki ma kako pasawaŋa pâne saŋe naŋa ŋana katura karaemi kâ, ŋana kinzi tamâta ma sikura tu simora miki tinimi kaa ku siveta maŋeti pami, ande tia. Aku ara ŋana miki ma kako “marasini” saŋe naŋa ŋana kavala lâ matami kâ, ŋana iveta matami kamora pwataki.

<sup>19</sup>Naŋa uru aleleanzi tamâta rârâni ŋinde naŋa ilonŋu ndo keno panzi, ŋana nenzi vetâŋa ma ikeno sondo ndo. Mine nde ara ŋana miki ma kamandi kaika ŋana kaveta warakami nemi vetâŋa sondo, aku kapalele



ilomi kalomi. <sup>20</sup>Miki kamora nga; naŋa amandi lâ luma ne nzâla kawa, aku amo apitikina nzâla. Ambo tamâta tonŋe ma iloŋo kawânŋu ngua ku ikai nzâla piti, ande naŋa ma amâ luma ilo, aku ma amo kuku i. Aku naŋa ma aka kâpwa kuku i, aku i kala ma ika kâpwa kuku naŋa mine nâ.

<sup>21</sup>Nia ndoyo naŋa apole kazâŋa lâ, kala asaŋona kuku Mama lâ i ne saŋonâŋa nia ŋana koipu ŋalae kâ. Aku mine nâ, tamâta ea imandi kaika ku ipole kazâŋa ŋinde, ande i ma ikai naŋa ndamwânŋu ku ma isaŋona kuku naŋa lâ nanenŋu saŋonâŋa nia ŋana koipu ŋalae kâ. <sup>22</sup>Ambo miki taŋami keno, ande kaloŋo ngua ŋine Koroani Sapâŋa itula panzi kalotawana tamâta ŋgu rârâni.’ ”

### Kinzi siwânŋi sipanea Maro Kindeni lâ samba lawea

**4** <sup>1</sup>Ŋineŋga naŋa matânŋu ilâ, aku amora nzâla tonŋe lâ samba lawea, kawa maa nâ keno. Aku sarawâŋa ŋinde muŋga aloŋo iporo pana itogo tando ita mine, ande kala sarawâŋa ŋinde imâ pa naŋa kilo mine tu, “Noko pwâki kumâ ŋai, aku naŋa ma atula vetâŋa pinde pano. Maro Kindeni ipatea tu vetâŋa ŋinde ma muli ipânŋa”. <sup>2</sup>Ŋineŋga walele nâ Koroani Sapâŋa ipaŋando naŋa, aku amora koipu ŋalae ne saŋonâŋa nia tonŋe ikeno samba lawea. Aku tonŋe nde isaŋona kulu. <sup>3</sup>I nde tini ipane nia itogo mira arara pinde, tininzi yaŋâŋo wa ŋiŋi wa. Aku kelekele tonŋe itogo Noa ŋgunu lakia mine nde iŋŋe saŋonâŋa nia ŋinde mbwaliu lâ, ku ipane nia itogo mira geza-geza ara tonŋe, i ŋa tu “emeral”.

<sup>4</sup>Aŋga saŋonâŋa nia pinde, kambwaŋenzi tamâta taitu kanaŋo ŋapa (24), ande siŋŋe koipu ŋalae ne saŋonâŋa nia ŋinde mbwaliu lâ, aku aŋelo mbâna-mbâna tonŋe isaŋona ŋinde taitu-taitu kulunzi. Kinzi sipasawa pasawaŋa pâne luandondo, aku loki-loki “gol” tonŋe, itogo koipu ŋalaŋala nenzi loki-loki mine, ande ikeno kinzi taitu-taitu kulunzi. <sup>5</sup>Lâ koipu ŋalae ne saŋonâŋa nia, ande naŋa amora loloa salaga ilâ wa imâ wa, aku aloŋo nduŋeŋa ŋalae ipânŋa, ku mbamba ipu. Aku lâ koipu ŋalae ne saŋonâŋa nia ŋinde nao, ande sinâla lima kanaŋo rua mela-mela nâ keno. Sinâla ŋinde nde Maro Kindeni ne koroani lima kanaŋonzi rua.

<sup>6</sup>Aku lâ koipu ŋalae ne saŋonâŋa nia ŋinde nao, ande kelekele tonŋe itogo tâi ŋalae mine nde ikeno tona. Naŋa amora ŋinde itogo nduŋu mine, aku pâne salaga ndo. Aŋga kelekele ŋapa vianzi kâ nde simandi lâ ŋgini, lâ koipu ŋalae ne saŋonâŋa nia ŋinde tini laiti, aku siŋŋe mbwaliu lâ. Kelekele ŋapa vianzi kâ ŋinde nde matanzi rârâ iŋgenzi mbwaliu lâ pa naonzi wa mulinzi wa. <sup>7</sup>Kinzi kelekele ŋapa vianzi kâ ŋinde tonŋe nde itogo mbwâmbwa saka “leve” mine, aŋga tonŋe nde itogo bulmakao tamâne ŋalae mine, aŋga tonŋe nde nao itogo tamâta naonda mine, aŋga tonŋe nde itogo sii malabogi ŋalae mine, ititilo nâ imo. <sup>8</sup>Kinzi kelekele ŋapa vianzi kâ ŋinde rârâni taitu-taitu mbaninzi lima kanaŋo taitu keno, aku matanzi rârâ siŋŋe tininzi rârâni pa naonzi wa mulinzi wa mbaninzi

kalo wa. Aku lâ kari wa mbo wa, kinzi uru sipwarea tia. Kinzi simo nâ siwângi wângija mine tu,

“Maro Ŋalae Kindeni Walo Tamwata ande i sapâŋa, i sapâŋa, i sapâŋa! I muŋgani imo, kala ŋine imo mine nâ, aku muli ŋga i ma imâ!”

<sup>9</sup>Kelekele ŋapa vianzi kâ ŋinde nde uru sindeka mine nâ ŋana i kala isaŋona koipu ŋalae ne saŋonâŋa nia ŋinde kâ, inani ŋana imo via ku imo nâ. Aku ikura zo rârâni, kinzi sipanea i wa sisuka i ŋa kâki wa kawanzi ndaŋge papa i wa. <sup>10</sup>Aku lâ zo ŋana kinzi siveta mine, ande kinzi aŋelo mbâna-mbâna 24 ŋinde uru sipare tukunzi ndue lâ i kala isaŋona koipu ŋalae ne saŋonâŋa nia ŋinde nao, inani ŋana imo via ku imo nâ, ku siwawa wa sipanea i. Aku sikai nenzi loki-loki “gol” piti lâ warakanzi kulunzi, ku sionzi ndue i nao lâ koipu ŋalae ne saŋonâŋa nia, aku siwângi wângija mine:

<sup>11</sup>“Maka nema Maro Ŋalae Kindeni, nokoni kumo âta ndo, ŋana tamâta rârâni simo noko kalo, aku noko ne walo nde ŋalae ndo. Mine kala maka ‘kapaneano ku kasuka noko ŋa kâki. Nokoni muŋga kupulianzi kelekele rârâni sipâŋga lâ, ikura noko tamwata nâ ne pateâŋa mine. Mao nâ, noko kupulianzi kelekele rârâni sipâŋga lâ, aku kelekele rârâni ŋinde kala ŋine simo vianzi.”

### Yoane imora pepa toŋge muŋga sipa kaika lâ keno

**5** <sup>1</sup>Ŋineŋga naŋa alea pa i kala isaŋona koipu ŋalae ne saŋonâŋa nia ŋinde, aku amora pepa toŋge ikeno i mbau wia kâ ilo. Pepa ŋinde nde itogo pepa lalau luandondo toŋge, muŋga siviviki sinzuku lâ, aku ŋgereŋa keno pa tini pinde rua-ruani. Aŋga pepa ŋgaŋe ande muŋga sisipa kaika ndo lâ “kandel” siŋi lima kanaŋo rua, aku sio kilala toŋge ikeno lâ “kandel” siŋi rârâni ŋinde taitu-taitu tininzi. <sup>2</sup>Ŋineŋga naŋa amora aŋelo toŋge, i ne walo ŋalae tina. Aku isarâwa kawa ŋalae kâki mine tu, “Ea imo ŋalae lâ Maro Kindeni nao, ikura ŋana isiki ‘kandel’ siŋi piti ku imazara pepa ŋine.” <sup>3</sup>Andeta lâ samba lawea wa tâno kulu wa mateŋa nianzi wa, ande tamâta toŋge imo ŋalae, ikura ŋana imazara pepa ŋinde ku ipono ŋgua ikeno tini, ande tia ndo kanaŋo. <sup>4</sup>Naŋa amora mine tu tamâta toŋge imo ŋalae lâ Maro Kindeni nao, kala i ma ikura ŋana imazara pepa ŋinde ku ipono ŋgua keno tini, ande tia. Mine kala naŋa kalonŋu sukâŋa, kala ata pâta.

<sup>5</sup>Ŋineŋga aŋelo mbâna-mbâna ŋinde toŋge nde ipai naŋa tu, “Noko kuta ndimo. Kuloŋo; tamâta toŋge imo, i ŋa mine ‘Juda ŋgu Nenzi Mbwâmbwa ‘Leve’”, aŋga i ŋa toŋge tu ‘Koipu Ŋalae Daviti ne Vâsa’. Inani ipole kazâŋa lâ, ku itawanzi ne kazâŋa tamâta rârâni marumbu lâ. Mine kala ikura ŋana isiki ‘kandel’ siŋi lima kanaŋo rua ŋinde piti, aku ikura ŋana imazara pepa ŋinde.”

### Yoane imora Lama

<sup>6</sup>Ŋineŋga naŋa amora lama toŋge imandi koipu ŋalae ne saŋonâŋa nia ŋinde ŋgini. Naŋa amora Lama ŋinde kilala itogo muŋga sipu i pâta imâte, ŋineŋga imo via kilo. Aku kelekele ŋapa vianzi kâ ŋinde sitavanzi aŋelo mbâna-mbâna ŋinde, ande siŋge i mbwaliu lâ. Lama ŋinde kulu tando lima kanaŋo rua keno, aŋga i mata lima kanaŋo rua keno tona. Ŋinde nde Maro Kindeni ne koroani lima kanaŋonzi rua, kinzi ŋinde Maro Kindeni muŋga isupwanzi silâ sikura nia nia lâ tâno ndoni.

<sup>7</sup>Ŋineŋga Lama ŋinde nde ilâ ikai pepa ŋinde piti lâ i mbau wia kâ ilo, ina kala isaŋona koipu ŋalae ne saŋonâŋa nia ŋinde.

<sup>8</sup>Ikai pepa ŋinde lâ, ŋineŋga kinzi kelekele ŋapa vianzi kâ sitavanzi aŋelo mbâna-mbâna 24 ŋinde nde sipare tukunzi ndue lâ Lama tini laiti. Kinzi aŋelo mbâna-mbâna taitu-taitu nde sisaŋa nenzi kelekele ŋana wâŋgiŋa kâ toŋge, aku kinzi taitu-taitu sisaŋa nenzi kondo “gol” toŋge tona, mundo kuwae ara keno ilo. Mundo ŋinde nde Maro Kindeni ne tamâta nenzi noŋa. <sup>9</sup>Ŋineŋga kinzi siwâŋgi wâŋgiŋa wasaseki toŋge mine tu,

“Noko simbo nâ pwura ŋana pwai pepa ŋinde ku kusiki ‘kandel’ siŋi rârâni piti, ŋana tu kinzi muŋga sipu noko pâta kumâte, aku kupaliŋi noko tamwata see ŋana kukonzi tamâta pinde lâ ŋgu rârâni simo tâno ndoni, nenzi ŋgua piti-piti wa tininzi kie-kie wa, ŋana ma simo Maro Kindeni ‘ne ŋgu. <sup>10</sup>Noko kupateanzi tu ma simo patarawâŋa tamâta, aku kupateanzi tu ma simo tamâta mbâna-mbâna lâ noko kalo, ku ma siveta wurâta pa nenda Maro Kindeni tona. Aku muli, ŋineŋga kinzi ma sikai poe panzi tamâta lâ tâno kulu.”

### Kinzi sipanea Lama sisuka i ŋa kâki

<sup>11</sup>Ŋineŋga matâŋgu ilâ, aku aloŋonzi aŋelo rârâ ŋinde kawanzi. Kinzi aŋelo ŋinde kambwaŋenzi ŋalae tina, ikura ŋana tamâta toŋge ma isowe kambwaŋenzi kâ, ande tia ndo. Kinzi simandi siŋgenzi koipu ŋalae ne saŋonâŋa nia wa kinzi kelekele ŋapa vianzi kâ wa kinzi aŋelo mbâna-mbâna wa. <sup>12</sup>Kinzi aŋelo ŋinde simo siwâŋgi kawanzi ŋalae kâki mine tu,

“Ara ndo ŋana kinda ma tapanea Lama ŋine muŋga sipu pâta imâte, ŋana tu ikai walo kaika wa ilo-kalo sondo tava kelekele arara rârâni marumbu lâ! Ara ndo ŋana kinda ma tapanea i ŋa tasuka kâki, tandeka wa kawânda ndaŋge papa wa!”

<sup>13</sup>Ŋineŋga naŋa aloŋonzi kelekele kie-kie rârâni, muŋga Maro Kindeni ipulianzi kala simo vianzi sikura nia nia lâ samba ilo wa tâno kulu wa mateŋa nianzi wa tâi ilo wa. Naŋa aloŋonzi kelekele rârâni ŋinde siwâŋgi siporo mine tu,

“Tapanea i kala uru isaŋona koipu ŋalae ne saŋonâŋa nia ŋinde ikura zo rârâni, aku tapanea Lama tona mine nâ! Kelekele ndoni nde uru simo kinzi rua kalonzi. Kinzi rua ŋanzi keno ŋalae, aku simo tava walo kaika. Tapanea kinzi rua mine ku tamo nâ!”

<sup>14</sup>Ŋineŋga kelekele ŋapa vianzi kâ ŋinde nde siporo tu, “Mao!” Aku kinzi aŋelo mbâna-mbâna nde sipare tukunzi ndue, ku sipaneanzi Maro Kindeni kuku Lama rua.

### Lama isikinzi “kandel” siŋi piti lâ pepa tini

**6** <sup>1</sup>Naŋa amora Lama ikai pepa ŋinde muŋga sisipa “kandel” siŋi lâ ŋgaŋe, ŋineŋga isiki “kandel” siŋi tonŋe piti. Ŋineŋga naŋa aloŋo kelekele ŋapa vianzi kâ ŋinde tonŋe iporo ŋgua. I kaŋa nde itogo mbamba ipu mine. Iporo mine tu, “Noko kumâ!” <sup>2</sup>Ŋineŋga naŋa amora kilo, aku amora hosi tonŋe, i tini pâne, aku tamâta tonŋe isaŋona kumbu ikai temba lâ mbalau. Kinzi loki-loki tonŋe ŋana ipole paraŋa kâ silua tamâta ŋinde, aku ilâ itogo tamâta tonŋe uru ipara ipolenzi kazâŋa rârâ.

<sup>3</sup>Ŋineŋga Lama isiki “kandel” siŋi tonŋe kilo piti, aku aloŋo kelekele ŋapa vianzi kâ ŋinde tonŋe iporo tu, “Noko kumâ!” <sup>4</sup>Ŋineŋga hosi tonŋe, i tini ŋiŋi, kala iyâti imâ ipâŋga. Kinzi walo silua tamâta isaŋona hosi ŋinde kumbu. Walo ŋinde nde ŋana iveta kinzi tamâta simo tâno kulu nenzi moŋa ara ŋinde marumbu kâ, aku walo ŋinde nde ŋana ivetanzi sikai kazâŋa pa warakanzi tu sipamateteu kâ. Pila kazâŋa kâ ŋalae tonŋe silua i ŋana ma iveta wurâta ŋinde kâ.

<sup>5</sup>Ŋineŋga Lama isiki “kandel” siŋi tonŋe kilo piti, aku naŋa aloŋo kelekele ŋapa vianzi kâ ŋinde tonŋe iporo tu, “Noko kumâ!” Ŋineŋga naŋa amora kilo, aku amora hosi tonŋe, i tini mâmâŋga. Anŋa tamâta isaŋona hosi ŋinde kumbu nde ikai kelekele tonŋe lâ mbau ilo, ŋana iloe kâpwa ne malia kâ. <sup>6</sup>Ŋineŋga naŋa aloŋo nduŋeŋa tonŋe ipâŋga lâ kelekele ŋapa vianzi kâ ŋinde ŋgininzi, itogo tamâta iporo itula ŋgua mine. Kawa ŋinde nde iporo mine tu, “Noko kulâ kuveta wurâta, ŋana kinzi tamâta ma sindolo ŋana kâpwa kâ. Mine kala mbumbu ndoni wurâta tamâta uru sikai ŋana nenzi wurâta kâ lâ kari taitu, ande ŋinde ma ikura ŋana siko kâpwa ‘wit’ ikeno lâ kulo mota taitu nâ ilo. Aku mbumbu ŋinde ma ikura ŋana siko kâpwa ‘barli’ ikeno lâ kulo kiri-kiri ŋato nâ ilonzi. Andeta noko ma kulâ kuyaulanzi kâi oliv wa kâi waini wa ndimo.”

<sup>7</sup>Ŋineŋga Lama isiki “kandel” siŋi tonŋe kilo piti, aku naŋa aloŋo kelekele ŋapa vianzi kâ ŋinde tonŋe iporo tu, “Noko kumâ!” <sup>8</sup>Naŋa amora kilo, aku amora hosi tonŋe, i tini itogo yaŋâŋo mwasina. Aku tamâta tonŋe isaŋona hosi ŋinde kumbu, i ŋa tu Mateŋa. Anŋa tamâta tonŋe kala isaŋona hosi ŋinde kumbu pa Mateŋa muli, aku tamâta ŋinde ŋa tu Mateŋa Nianzi. Kinzi walo silua kinzi rua ŋana sipateanzi tamâta

sionzi ngu napa napa, aku walo silanzi nana sipu ngu tonje pâta simâte kâ. Kinzi nenzi vetâna nana sipunzi tamâta simâte kâ, ande mine: pila kazâna kâ, anga putole njae, anga pukona njalanjala, anga ngoa ngoi silâ sizavarunzi.

<sup>9</sup>Ŋineŋga Lama isiki “kandel” siŋi tonje kilo piti, aku amora kinzi tamâta pinde korananzi, kinzi tamâta nŋinde muŋga simâte. Kinzi simo patarawâna nia tini laiti. Kinzi tamâta nŋinde muŋga kalonzi tawana Maro Kindeni kawa nŋua, aku uru situla nŋua nŋinde. Mine kala nenzi kazâna tamâta sipunzi pâta simâte lâ. <sup>10</sup>Kinzi korananzi nŋinde nde sisarâwa kaika mine tu, “Maro Ŋalae, noko Walo Tamwata, noko uru kuveta vetâna sondu ku kumo nâ. Noko nde sapâna, aku noko ne mâsi rârâni nde ara ndo kanaŋo. Taitu noko nandai kupare nia panzi tamâta lâ tâno kulu nana vetâna soki siveta pama nŋa. Maka ma kao tinima pa noko ikura zo nŋapia kilo nana kuveta mine panzi tamâta nŋinde muŋga sipu maka pâta kamâte, a?” <sup>11</sup>Ŋineŋga sikai pasawana pâne luandondo pinde ku siwae panzi korananzi nŋinde taitu-taitu. Aku sipainzi tu, “Miki kamo tini nŋa. Kinzi kazâna tamâta ma sipunzi nawalami pinde sitavanzi nimi-nambwe pinde simâte muŋga lâ nŋa, itogo muŋga sipu miki warakami pâta kamâte mine. Maro Kindeni nde ipateanzi tamâta nana simâte kâ nŋinde kambwanenzi marumbu lâ. Mambo kinzi kazâna tamâta sipunzi tamâta nŋinde rârâni simâte lâ nŋa, nŋineŋga Maro Kindeni ma ipare nemi mbuku nia panzi.”

<sup>12</sup>Ŋineŋga Lama isiki “kandel” siŋi tonje kilo piti, aku nana amora kilo, aku amora ogigi njae tina ipânŋa lâ tâno kulu. Aku kondoma njae ipânŋa lâ kari mata, itogo pasawana mâmânŋa itura mine. Anŋa nzimona mata nde ipânŋa nŋiŋi ndo, itogo see mine. <sup>13</sup>Aku samba ne pitu nde simbe sindue pa tâno kulu, itogo lawea ikai kâi mbimu yâti taulo, aku kapula garo-garo nde siyauru sindue. <sup>14</sup>Aku nia maa kala ikâwa ilâ mine nâ, itogo moe siviviki lâ ku sipa kaika mine. Aku tuu wa sia rârâni nde sipile nianzi nianzi ku sikâwa pwapwataki silâ.

<sup>15</sup>Ŋineŋga tâno ne koipu njalanjala rârâni, anŋa tamâta mbâna-mbâna rârâni, anŋa zugu tamâta nenzi koipu rârâni, anŋa mbaliŋa warakanzi rârâni, anŋa tamâta kaika rârâni, anŋa tamâta rârâni uru sikai wurâta koa tia nâ, anŋa tamâta rârâni uru sikai mbumbu lâ nenzi wurâta tini; kinzi tamâta nŋinde rârâni nde sikâwa silâ ku simuna lâ nŋânza ilo wa lâ mira njalanjala keno tuu kulu nŋinde tininzi wa. <sup>16</sup>Aku sisarâwa panzi tuu wa mira njalanjala nŋinde mine tu, “Miki kanzuku maka, aku kavea maka nana i kala isaŋona koipu njae ne saŋonâna nia nŋinde! Aku kavea maka nana Lama ne wisi-nâna njae tina nŋinde tona! <sup>17</sup>Ŋana tu zo sakamao nana kinzi rua nenzi wisi-nâna njae kâ nde imâ ipânŋa lâ. Mine kala kinzi ma sipare nia panzi tamâta rârâni. Tamâta ea ikura nana itinŋi kinzi rua nenzi kaika nŋinde ku imo ara kâ, a? Tia ndo!”

**Kinzi Isrel tamâta 144,000 sikai Maro Kindeni ne mâsi kilala lâ tininzi**

**7** <sup>1</sup>Naŋa amora vetâŋa ŋinde marumbu lâ, ŋineŋga amoranzi aŋelo ŋapa simandi simo lâ tâno ne ŋgaŋe ŋapa. Kinzi sisaŋa tâno ne mbwera-lawea ŋapa lâ mbaunzi ilo. Mine kala mbwera-lawea ikura ŋana imbana nia lâ tâno kulu wa tâi kulu wa kâi tininzi wa, ande tia. <sup>2</sup>Ŋineŋga amora aŋelo toŋge kilo iyoka pa mbwera kâ ikâki imâ. I ikai kelekele toŋge ŋana io Maro Kindeni Via Tamwata ne mâsi kilala lâ tamâta tininzi kâ. Aku isarâwa kawa ŋalae panzi aŋelo ŋapa, kinzi ŋinde Maro Kindeni muŋga kaika ilanzi ŋana siyaulanzi tâno wa tâi wa. <sup>3</sup>Aku ipainzi tu, “Miki ma kapasusu nâ ŋana kayaulanzi tâno wa tâi wa kâi wa, mine ndimo. Maka ma kao mâsi kilala toŋge lâ nenda Maro Kindeni ne wurâta tamâta ndamwanzi muŋga lâ ŋga, ŋineŋga miki ma kalâ kayaula nia.”

<sup>4</sup>Ŋineŋga naŋa aloŋo tamâta ŋinde kambwaŋenzi, kinzi ŋinde sikai Maro Kindeni ne mâsi kilala lâ ndamwanzi. Kinzi aŋelo sisowe mâsi kilala ŋinde lâ Isrel ŋgu tamâta 144,000 tininzi. Tamâta ŋinde nde lâ Isrel ŋgu saŋao kanaŋonzi rua rârâni taitu-taitu; <sup>5</sup>tamâta 12,000 nde lâ Juda ne ŋgu, aŋga 12,000 lâ Ruben ne ŋgu, aŋga 12,000 lâ Gad ne ŋgu, <sup>6</sup>aŋga 12,000 lâ Aser ne ŋgu, aŋga 12,000 lâ Naptali ne ŋgu, aŋga 12,000 lâ Manase ne ŋgu, <sup>7</sup>aŋga 12,000 lâ Simeon ne ŋgu, aŋga 12,000 lâ Livai ne ŋgu, aŋga 12,000 lâ Isakar ne ŋgu, <sup>8</sup>aŋga 12,000 lâ Sebulun ne ŋgu, aŋga 12,000 lâ Yosepe ne ŋgu, aŋga 12,000 lâ Benjamin ne ŋgu. Kinzi tamâta ŋinde rârâni nde sikai Maro Kindeni ne mâsi kilala lâ ndamwanzi.

**Tamâta ŋgu ŋalae tina nde sipanea Maro Kindeni**

<sup>9</sup>Naŋa amora ŋinde marumbu lâ, ŋineŋga matâŋgu ilâ, aku amoranzi tamâta ŋgu ŋalae tina. Tamâta toŋge ikura ŋana isowe kinzi kambwaŋenzi kâ, ande tia ndo kanaŋo. Kinzi tamâta ŋinde simo lâ ŋgu rârâni lâ tâno ndoni, nenzi ŋgua piti-piti wa tininzi kie-kie wa. Kinzi ŋinde nde simandi lâ koipu ŋalae ne saŋonâŋa nia nao, aku simandi lâ Lama nao tona. Kinzi sipasawa pasawaŋa pâne luandongo lâ, aku sikai tumba lau lâ mbaunzi ilo. <sup>10</sup>Aku kinzi simo sisarâwa kawanzi ŋalae mine tu,

“Kinda nenda Maro Kindeni isaŋona koipu ŋalae ne saŋonâŋa nia, aku i kuku Lama rua nde sikai kinda piti lâ kondoma ilo, kala siveta kinda tamo ara nâ!”

<sup>11</sup>Kinzi aŋelo rârâni nde simandi siŋge koipu ŋalae ne saŋonâŋa nia, aku siŋgenzi aŋelo mbâna-mbâna sitavanzi kinzi kelekele ŋapa vianzi kâ ŋinde tona. Aku kinzi ŋinde rârâni nde sipare tukunzi ndue lâ koipu ŋalae ne saŋonâŋa nia nao, ku sipanea Maro Kindeni. <sup>12</sup>Kinzi sipanea i siporo mine tu,

“Mao nâ! Kinda nenda paneâŋa ilâ pa nenda Maro Kindeni, aku tasuka i ŋa kâki! I ne ilo-kalo nde ŋalae ndo. Kinda kawânda ndaŋge papa i, aku tapare tukunda papa. Inani nde walo warika. Kinda ma tapanea nenda Maro Kindeni, taveta mine ku tamo nâ! Mao.”

### Kinzi ŋgu ŋinde nenzi nâna marumbu lâ

<sup>13</sup>Ŋineŋga aŋelo mbâna-mbâna ŋinde toŋge nde ikasoŋa naŋa mine tu, “Kinzi tamâta kala sipasawa pasawaŋa pâne luandondo ŋinde, ande ea kinzi. Kinzi soka pa sinia simâ.” <sup>14</sup>Andeta naŋa atu lâ i kawa tu, “Tamâta ŋalae, naŋa asama ŋine tia. Noko tamwata kusama lâ.” Aku ipai naŋa mine tu, “Kinzi tamâta ŋgu ŋine muŋga sikai nâna wa malia ŋalae tina. Kinzi sipua nenzi pasawaŋa lâ Lama see marumbu lâ, kala siveta pasawaŋa ŋinde sipâŋga pâne ndo. <sup>15</sup>Mine kala kinzi uru simandi Maro Kindeni nao lâ koipu ŋalae ne saŋonâŋa nia. Aku lâ kari wa mbo wa, ande kinzi uru siveta patarawâŋa tamâta nenzi wurâta papa i lâ i ne luma sapâŋa ilo. Inani kala uru isaŋona lâ koipu ŋalae ne saŋonâŋa nia ŋinde, ande i ma imo kunzi wa ikea ŋananzi wa. <sup>16</sup>Putole ma ipunzi kilo tia ndo, aku ma sirakoŋa kilo ŋana lââ kê tia ndo. Aku kari ne nâna ŋalae ma ikananzi kilo tia ndo. <sup>17</sup>Ŋana tu Lama uru imandi lâ koipu ŋalae ne saŋonâŋa nia ŋgini, aku i ma imo nenzi katonâŋa. I ma ikainzi silâ pa lââ bwalika ŋinde via ne lââ uru isâko ikeno. Aku Maro Kindeni tamwata ma ipu matanzi sulu piti. Mao nâ, kinzi ma sita kilo, ande ma tia.”

### Lama isikinzi “kandel” siŋi rârâni piti marumbu lâ

**8** <sup>1</sup>Ŋineŋga Lama isiki “kandel” siŋi toŋge kilo piti, aku nduŋeŋa kiri-mwata toŋge ipâŋga tia ndo lâ samba ilo lee, ikura kari tai taitu pinde marumbu lâ.

<sup>2</sup>Ŋinde ilâ lâ, ŋineŋga naŋa amoranzi aŋelo lima kanaŋonzi rua ŋinde uru simandi Maro Kindeni nao. Aku sikai tando lima kanaŋo rua ku siwae panzi aŋelo ŋinde taitu-taitu.

<sup>3</sup>Ŋineŋga aŋelo toŋge kilo nde imâ ku imandi patarawâŋa nia nao. Aŋelo ŋinde nde ikai kondo “gol” toŋge, mundo kuwae ara uru ikeno ilo. Ŋineŋga mire kuwae ara rârâ ŋinde silua i ŋana i ma igema tava Maro Kindeni ne kalo-tawana tamâta rârâni nenzi noŋa. Ŋineŋga iveta patarawâŋa mine nâ pa Maro Kindeni, lâ patarawâŋa nia “gol” ikeno koipu ŋalae ne saŋonâŋa nia ŋinde nao. <sup>4</sup>Aku mire kuwae ara ŋinde ne mundo nde iyoka pa aŋelo ŋinde mbau ikâki pa Maro Kindeni, tava i ne kalo-tawana tamâta nenzi noŋa. <sup>5</sup>Ŋineŋga aŋelo ŋinde mbau ilâ ikai yââ lâ patarawâŋa nia, aku izeze lâ kondo “gol” ŋinde ilo. Ŋineŋga itambira kondo ndue lâ tâno kulu. Itambira kondo ndue lâ, ŋineŋga mbamba ipu, aku nduŋeŋa ŋalae ipâŋga. Loloa salaga ilâ wa imâ wa, aku ogigi iririŋo tâno.

### Kinzi aḡelo ḡapa simbana tando

<sup>6</sup>Ḥineḡga kinzi aḡelo lima kanaḡonzi rua ḡinde nde sipaveta sondo ḡana simbana tando lima kanaḡo rua ḡinde kâ. <sup>7</sup>Kinzi sipaveta sondo lâ, ḡineḡga aḡelo toḡge imbana ne tando. Aku walele nâ mira “ais” wa yââ ipâḡga ku imalini indue tava see pa tâno kulu. Ḥinde itogo siwaenzi tâno rârâni tava kâi rârâni sipâḡga ḡgu ḡato ḡato, aku yââ kana tâno ne “ḡgu” toḡge wa kâi ne “ḡgu” toḡge wa. Aku yââ kana unza kenza-kenza rârâni marumbu lâ tona.

<sup>8</sup>Ḥineḡga aḡelo toḡge kilo kala imbana ne tando, aku kekelele toḡge itogo tuu ḡalae tina mine, yââ ikeno tini, ande imbe indue tâi ilo. Ḥinde itogo siwaenzi tâi sipâḡga ḡgu ḡato ḡato, aku tâi ne “ḡgu” toḡge ipalele ku ipâḡga see. <sup>9</sup>Aku itogo siwaenzi iḡa rârâni simo tâi ilo ḡinde sipâḡga ḡgu ḡato ḡato, aku iḡa “ḡgu” toḡge nde sipamateteu lâ. Aku wâḡga ḡalaḡala rârâni kala mine nâ, itogo siwaenzi sipâḡga ḡgu ḡato ḡato, aku wâḡga “ḡgu” toḡge nde sipayaula lâ.

<sup>10</sup>Ḥineḡga aḡelo toḡge kilo kala imbana ne tando, aku walele nâ, pitu ḡalae toḡge, yââ mela-mela keno tini itogo tâmba mine, ande imbe piti lâ samba tini ku indue lâ lâ kulu. Ḥinde itogo siwaenzi lââ rârâni tava lââ bwalika rârâni sipâḡga ḡgu ḡato ḡato, aku pitu ḡinde imbe ndue lâ lââ “ḡgu” toḡge kulu. <sup>11</sup>Pitu ḡinde ḡa mine tu “Makisa Ndo”. Pituni ndaina nde imbe indue lâ lââ “ḡgu” toḡge kulu, aku iveta lââ ḡinde kaḡa ipâḡga makisa ndo. Tamâta rârâ sinu lââ ḡinde kaḡa ipalele ipâḡga makisa, aku sipamateteu lâ.

<sup>12</sup>Ḥineḡga aḡelo toḡge kilo kala imbana ne tando, aku walele nâ kari wa nzimona wa pitu wa nde sipayaula. Ḥinde itogo siwaenzi mbo wa kari wa sipâḡga ḡgu ḡato ḡato mine. Aku kari ipâḡga ḡaḡa ikura kari tai ḡapa lâ zo zo, aḡga nzimona wa pitu kala sipâḡga ḡaḡa ikura kari tai ḡapa lâ mbo mbo mine nâ.

<sup>13</sup>Ḥineḡga naḡa amora sii malabogi ḡalae toḡge ilou lâ nia maa. Aku aloḡo sii ḡinde isarâwa kawa ḡalae mine tu, “Kinzi aḡelo ḡato kilo kala sipaveta sondo lâ ḡana simbana nenzi tando, aku malia ḡalae tina ḡato nde laiti ḡana ipâḡga kâ! Kalo sukâḡa, kalo sukâḡa, kalo sukâḡa ḡalae tina ma ipâḡga panzi tamâta simo tâno kulu!”

### Aḡelo toḡge kilo kala imbana ne tando

**9** <sup>1</sup>Ḥineḡga aḡelo toḡge kilo kala imbana ne tando, aku naḡa amora pitu toḡge muḡga imbe piti lâ samba tini aku indue tâno kulu ikeno lâ. Kinzi muḡga “ki” toḡge silua pitu ḡinde, aku “ki” ḡinde nde ḡana mbââ ḡalae toḡge ne nzâla. Mbââ ḡinde ne maa nde indue ilâ nâ, aku ne lambu tia.

<sup>2</sup>Pitu ḡinde nde ilâ ikai mbââ ḡinde ne nzâla kawa piti. Ḥineḡga mundo ḡalae ikâki, itogo yââ ḡalae tina ne mundo mine. Mundo ḡinde nde iyoka



pa mbââ ñinde ilo ikâki imâ, aku ipono kari wa nia maa wa. Mine kala nia ndoni ipânga ñaņa lâ. <sup>3</sup>Ñineņa kelekele pinde itogo ndemu-ndemu mine, kambwañenzi rârâ ñinde, ande soka pa mundo ilo ku sindue simâ pa tâno kulu. Kinzi muņa sikai walo itogo niño-niño nenzi walo mine. <sup>4</sup>Maro Kindeni muņa indi kaika panzi ndemu-ndemu ñinde tu ma siyaulanzi unza wa kâi kie-kie rârâni ndimo. Andeta isâu panzi ñana siyaulanzi tamâta pinde, kinzi ñinde ñandai sikai Maro Kindeni ne mâsi kilala lâ ndamwanzi ñga. <sup>5</sup>Kinzi ndemu-ndemu ñinde nenzi walo ikura ñana sipunzi tamâta pâta simâte kâ, ande tia. Kinzi nenzi walo ikura ñana nâna ñalae silanzi tamâta ikura nzimona lima nâ. Aku nâna ñinde nde itogo nâna ñana niño-niño ika tamâta mine. <sup>6</sup>Pa zo ñinde, ande tamâta ma siroto ñana nzâla ñinde ilâ pa mateņa kâ, andeta ma sisânda kulu tia. Kinzi ma ilonzi ndo tu simâte, andeta mateņa ma ñengegeana ñananzi.

<sup>7</sup>Naņa amoranzi ndemu-ndemu ñinde kilalanzi itogo hosi siluku lâ ñana silâ paraņa ilo mine. Kelekele pinde itogo koipu ñalaņala nenzi loki-loki “gol” mine nde ikeno lâ kinzi taitu-taitu kulunzi, aku naonzi nde itogo tamâta naonda mine. <sup>8</sup>Kinzi kulunzi pwau nde luandondo, itogo taine kulunzi pwau mine. Aņa niņonzi nde itogo mbwâmbwa saka “leve” niņonzi mine. <sup>9</sup>Ndemu-ndemu ñinde nde sipasawa pasawaņa “aini” lâ kondondonanzi. Aņa mbaninzi nde iveta nduņeņa ñalae tina, itogo nduņeņa ñinde hosi ñgu ñalae siveta lâ zo ñana sitapanzi nenzi kareta ku sipalilu silâ paraņa ilo. <sup>10</sup>Kinzi iunzi mata-mata nâ, itogo niño-niño iunzi mine, aku walo ikeno lâ iunzi ñana nâna ñalae silanzi tamâta ikura nzimona lima. <sup>11</sup>Mbââ ñalae ñinde ne aņelo nde imo koipu ñalae panzi ndemu-ndemu ñinde. Lâ Hibru ñgua, ande kinzi sipatu aņelo ñinde ña tu, “Abadon”, aņa lâ Grik ñgua, ande sipatu i ña tu “Apolion”. Ñoa ñine ne duvi mine tu, “Zavaruņa Tamwata”.

<sup>12</sup>Malia ñalae tina ñana ipânga muņa kâ ñinde, ande kala marumbu lâ. Andeta miki kaloņo ñga; malia ñalae tina rua nde keno mo ñai yo.

### **Aņelo toņge kilo kala imbana ne tando**

<sup>13</sup>Ñineņa aņelo toņge kilo kala imbana ne tando, aku naņa aloņo sarawâņa toņge iyoka pa patarawâņa nia “gol” imandi Maro Kindeni nao ñinde ne ñgaņe-ñgaņe imâ. <sup>14</sup>Ñgua ñinde nde imâ pa aņelo ñinde, inani kala muņa imbana ne tando, aku iporo mine tu, “Noko ma kuyautenzi aņelo ñapa ñinde silâ, kinzi ñinde Maro Kindeni muņa ipanzi kaika lâ simo nâna nia lâ Yufretis Lââ tini laiti.” <sup>15</sup>Ñineņa aņelo ñinde ilâ ku iyautenzi aņelo ñapa ñinde, aku silâ ñana siveta nenzi wurâta kâ. Muņgani, kinzi simo sio tininzi ñana kari tai ndainani nâ lâ zo ñinde, lâ nzimona ñinde, lâ mbwera ñinde, ikura Maro Kindeni ne pateâņa mine. Aku nenzi wurâta nde mine: itogo kinzi siwaenzi tamâta rârâni

sipânnga ngu ñato ñato, aku aņelo nenzi wurâta nde ñana sipunzi tamâta ngu tonje pâta simâte. <sup>16</sup>Naņa alonjonzi siporo sisowe zugu tamâta kambwanenzi, kinzi ñinde uru sisaņona hosi kumbunzi. Aku zugu tamâta ñinde kambwanenzi ipânnga lâ “200 milion”.

<sup>17</sup>Lâ nanenğu mbupuleņa ñine, ande naņa amora kinzi hosi sitavanzi kinzi tamâta sisaņona hosi kumbunzi ñinde kilalanzi. Kinzi kilalanzi mine: kinzi tamâta nde sipasawa pasawaņa “aini” lâ kondondonanzi, aku pasawaņa ñinde tininzi nde ñiņi wa geza-geza wa yaņâno wa. Aņa kinzi hosi kulunzi nde itogo mbwâmbwa saka “leve” kulunzi mine. Aku yââ wa mundo wa mira ndimoro wa nde ipânnga lâ kawanzi ilo ku iyâti imâ. <sup>18</sup>Ñinde itogo kinzi siwaenzi tamâta rârâni sipânnga ngu ñato ñato, aku kelekele kazâņa kâ ñato nde sipunzi ngu tonje pâta sipamateteu. Kelekele kazâņa kâ ñato ñinde nde yââ, aņa mundo, aņa mira ndimoro. Ñinde iyoka pa hosi kawanzi ilo ku iyâti imâ. <sup>19</sup>Kinzi hosi ñinde nenzi walo nde keno lâ kawanzi ilo wa iunzi tini wa, ñana tu iunzi nde itogo mwâta mine, aku mwâta ñinde kulunzi nde ñana iyaulanzi tamâta kâ.

<sup>20</sup>Andeta kelekele kazâņa kâ ñato ñinde nde iņgeņgeana ñananzi tamâta ngu rua, kala tamâta ñinde simo vianzi nâ. Taitu kinzi ñandai sipalele ilonzi kalonzi ñga, aku ñandai sipu mulinzi panzi maro laņeņa nenzi pareņa-mâsi ñga. Kinzi warakanzi muņa siveta pareņa-mâsi ñinde sipânnga. Kinzi tamâta ñinde ñandai sipile nenzi mâsi ñana siwâņgi sipaneanzi koroani saka tava pareņa-mâsi siveta lâ “gol” wa “silva” wa “aini” wa mira kie-kie wa kâi wa. Andeta pareņa-mâsi kaa kaa ñinde sikura ñana siporo ñgua wa simora nia wa soka wa, ande tia ndo.

<sup>21</sup>Muņa tamâta ñinde sipaveta kuku mâsi ñana sipunzi tamâta pâta simâte kâ, aņa mâsi ñana siveta nzâmbe sakamao kie-kie kâ, aņa mâsi ñana sipalulua tininzi potomule kâ, aņa mâsi ñana sipanawe tamâta nenzi kelekele kâ. Aku kinzi ñandai sipalele ilonzi kalonzi ñga, aku ñandai sipu mulinzi pa vetâņa sakamao ñinde ñga.

### Aņelo pepa tonje ilua Yoane ñana ika kâ

**10** <sup>1</sup>Ñineņa naņa amora aņelo tonje iyoka pa samba ilo indue imâ. I ne walo nde ñalae ndo. Ipatura tini lâ take-take, aku Noa ñgunu lakia nde ikeno i kulu iņge mbwaliu lâ. I nao nde isinala nia itogo kari mine, aņa i kie rua nde mela-mela nâ, itogo yââ mine. <sup>2</sup>Aņelo ñinde nde ikai pepa mota tonje lâ mbau ilo. Pepa ñinde kinzi muņa simazara lâ keno. Aku aņelo ilâ iņgunu kie pa wia kâ imandi tâi kulu, aņa kie pa ñâsi kâ nde iņgunu imandi tâno kulu. <sup>3</sup>Ñineņa aņelo ñinde isarâwa kawa ñalae tina, itogo mbwâmbwa saka “leve” uru ita mine. Isarâwa lâ, ñineņa mbamba lima kanaņonzi rua nde sipu ku siporo nenzi ñgua tauo. <sup>4</sup>Kinzi mbamba lima kanaņonzi rua ñinde sipu lâ, ñineņa naņa ilonğu pateo tu ma nanğere ñgua siporo ñinde lâ pepa tini. Andeta naņa

aloŋo sarawâŋa tonŋe iyoka pa samba ilo imâ mine tu, “Noko ma kuŋgere mbamba lima kanaŋonzi rua nenzi ŋgua lâ pepa tini ndimo! Ŋinde ma keno paveâŋa nâ lâ noko ilo.”

<sup>5</sup>Ŋineŋga aŋelo ŋinde naŋa muŋga amora imandi tâi kulu wa tâno kulu wa, ande io mbau wia kâ kâki pa samba, <sup>6</sup>aku iporo ŋgua kaika lâ Maro Kindeni nao, ina kala imo mine ku imo nâ, aku ina kala muŋgani ipulianzi samba wa tâno wa tâi wa kelekele rârâni simo vianzi lâ nia ndoni wa. Aŋelo ŋinde iporo mine tu, “Zo ŋga imâ ipâŋga lâ. Maro Kindeni ma iseŋge zo kilo, ande tia ndo kanaŋo! <sup>7</sup>Andeta lâ zo ŋana aŋelo tonŋe kilo ma imbana ne tando, ŋineŋga vetâŋa paveâŋa ndia rârâni Maro Kindeni muŋga ipatea tu ma iveta, ande i ma iveta ŋinde ipâŋga mao kanaŋo. Ŋinde ma ipâŋga ikura muŋga Maro Kindeni iporo wa itula panzi i ne ŋgua-tulâŋa tamâta, i ne wurâta tamâta kinzi.”

<sup>8</sup>Ŋineŋga sarawâŋa ŋinde naŋa muŋga aloŋo iyoka pa samba ilo imâ pa naŋa, ande iporo ŋgua pa naŋa kilo. Iporo tu, “Noko kulâ pwai pepa ŋinde ikeno aŋelo ŋinde mbau ilo, inani kala imandi tâi kulu wa tâno kulu wa.”

<sup>9</sup>Mine kala naŋa alâ pa aŋelo ŋinde, aku apai tu, “Noko pepa mota ŋinde kulana”. Aku aŋelo nde iporo taulo tu, “Noko pwai, aku kuka. Ŋine ma kaŋa mona-mona ara ndo lâ noko kawa ilo, itogo sipa siŋi kaŋa mine. Aŋga lâ noko kapwa ilo, ande ma kaŋa makisa ndo.” <sup>10</sup>I iporo ŋgua ŋine lâ, ŋineŋga naŋa akai pepa mota ŋinde saŋe, ku aka. Ŋinde kaŋa mona-mona ara ndo, itogo sipa siŋi kaŋa mine, lâ kawâŋgu ilo. Andeta apanando indue lâ kapwâŋgu ilo, ŋineŋga imakisia kapwâŋgu ilo. <sup>11</sup>Ŋineŋga ŋgua imâ pa naŋa kilo mine tu, “Noko kulâ, aku kutula Maro Kindeni kawa ŋgua pwataki kilo. Kutula ŋgua ŋana vetâŋa rârâni ma muli ipâŋga panzi tamâta ŋgu rârâ pinde simo tâno kulu, nenzi ŋgua piti-piti wa tininzi kie-kie wa, sitavanzi nenzi koipu ŋalaŋala.”

### Tamâta rua situla Maro Kindeni kawa ŋgua pwataki

**11** <sup>1</sup>Ŋineŋga taumbwa tuka tonŋe silua naŋa ŋana aloe kelekele ne luandongo kâ. Aku ŋgua imâ pa naŋa kilo mine tu, “Noko kulâ, aku kuloe Maro Kindeni ne luma sapâŋa tava luma ŋinde ne patarawâŋa nia. Aku kusowe tamâta kambwanzenzi tona, kinzi ŋinde uru simo lumani ndaina ilo siwâŋgi sipanea Maro Kindeni. <sup>2</sup>Taitu noko ma kuloe pasauŋa nia ikeno nzâmba ŋgaŋe ŋinde ndimo. Kupile imo, ŋana tu Maro Kindeni nia ŋinde ilanzi tamâta lâ tinikoa ŋgu. Aku kinzi ŋgu ŋinde ma kenzi nâ sipale Maro Kindeni ne lawea sapâŋa Jerusalem sinukia tona nia. Kinzi ma siveta mine lee, ikura nzimona tamâta rua kanaŋo rua (42) ilâ lâ ŋga.

<sup>3</sup>Aku kinzi tamâta rua ma sikai naŋa ndamwâŋgu, aku ma asupwanzi silâ ŋana siporo situla ŋgua lee, ikura lâ nzimona tamâta rua kanaŋo rua ŋinde. Kinzi rua ma sipasawa pasawaŋa ŋana kalo-kalo kâ lâ tininzi.”

<sup>4</sup>Tamâta rua ŋinde nde sitogo kâi “oliv” rua ŋga sinâla rua ŋinde uru simandi Maro Ŋalae nao, inani kala imo koipu ŋalae panzi tamâta ŋgu ndoni lâ tâno kulu. <sup>5</sup>Ambo tamâta tonje ma iveta tu ikai kazâŋa panzi rua, ande yââ ma ipâŋga lâ rua kawanzi ilo, ku ma iyâti ilâ ikananzi kazâŋa tamâta ŋinde marumbu lâ. Ŋana tu Maro Kindeni ne pateâŋa ikeno mine: tamâta ea ipatogo ŋana nâna ilua kinzi rua kâ, ande i ma imâte mine nâ. <sup>6</sup>Kinzi tamâta rua ŋinde nenzi walo ikura ŋana sipono nia maa tu karâzi ma imbe tia kâ. Nenzi walo ma ikeno mine lee ikura zo rârâni kinzi rua simo situla ŋgua. Aku mine nâ, kinzi rua nenzi walo ikura ŋana siveta lââ ipalele ipâŋga see, aku ikura ŋana siveta kazâŋa kie-kie ipâŋga ŋana izavarunzi tamâta lâ tâno kulu. Kinzi rua nenzi walo ŋana siveta vetâŋa mine kâ nde keno panzi. Lâ zo ndia ilonzi tu siveta mine, ande ma siveta.

<sup>7</sup>Kinzi rua ma situla Maro Kindeni kawa ŋgua lee marumbu lâ, ŋineŋga ŋgoa ŋgoi ŋalae ŋinde, ina uru imo mbââ ŋalae ilo, ande ma ipile mbââ ŋinde ku ikâki imâ ŋana ipara kunzi. Mbââ ŋinde indue ilâ, aku ne lambu tia. Ŋgoa ŋgoi ŋinde ma ipara kunzi rua, aku ma ipunzi pâta simâte. <sup>8</sup>Kinzi rua karaenzi ma ikeno Jerusalem lawea ne nzâla-kawa. Kinda uru taporo ŋgua tambirâŋa ŋana lawea ŋalae ŋinde kâ, aku tapatu i ŋa tu “Sodom” wa “Isip” wa. Muŋga kinzi ŋgua-tulâŋa tamâta rua ŋinde nenzi Maro Ŋalae kala itâra lâ kâi popole tini ku imâte lâ laweani ndaina. <sup>9</sup>Aku tamâta pinde lâ ŋgu rârâni simo tâno ndoni, nenzi ŋgua piti-piti wa tininzi kie-kie wa, kinzi ŋinde ma matanzi silea pa kinzi rua karaenzi ikura lâ kari ŋato ŋga pinde. Andeta kinzi ma tininzi pwâka tu sikeanzi kâ. <sup>10</sup>Tamâta rârâni simo tâno kulu ma sindeka nâ ŋana kinzi rua nenzi mateŋa kâ, aku ma sika waiŋa ku sipalulua nenzi wisi-ara ilâ pa tininzi pinde, ŋana tu muŋga kinzi ŋgua-tulâŋa tamâta rua ŋinde nâna silanzi tamâta simo tâno kulu.

<sup>11</sup>Kari ŋato ŋga pinde ŋinde marumbu lâ, ŋineŋga Maro Kindeni imbana koroani ilâ kinzi rua ilonzi, aku kinzi rua simo vianzi kilo, kala simandi sânda. Kinzi tamâta nde simoranzi rua, aku siruru pâta kanaŋo. <sup>12</sup>Ŋineŋga ŋgua-tulâŋa tamâta rua ŋinde nde siloŋo kawa ŋalae tonje ne sarawâŋa iyoka pa samba ilo imâ panzi mine tu, “Miki rua kakâki kamâ ŋai!” Ŋineŋga take-take tonje imâ ituranzi rua lâ, aku kinzi rua sikâki silâ samba ilo lâ nenzi kazâŋa tamâta naonzi.

<sup>13</sup>Aku lâ zo ndainani nâ, ande ogigi iririŋo ŋalae. Ŋinde itogo siwaenzi lawea ŋinde ne luma rârâni sipâŋga ŋgu saŋao saŋao, aku luma “ŋgu” tonje nde saputi ndue. Mine kala tamâta 7,000 nde sipamateteu lâ. Anŋa kinzi tamâta simo vianzi yo ŋinde nde siruru pâta lâ, aku sipanea Maro Kindeni, ina kala imo samba ilo.

<sup>14</sup>Malia ŋalae tina rua ŋinde ŋga marumbu lâ. Andeta miki kaloŋo ŋga; zo mbwana-mbwana nâ ŋana malia ŋalae tina tonje kilo kala ma imâ ipâŋga kâ.

### Ajelo tonje kilo kala imbana ne tando

<sup>15</sup>Ŋineŋga ajelo tonje kilo kala imbana ne tando. Aku naŋa aloŋo ŋgu ŋalae simo samba ilo sisarâwa kawanzi ŋalae mine tu,

“Kala ŋine nenda Maro Ŋalae tava ne Pateâŋa Tamâta Kirisi rua nde sikai koipu ŋalaŋala panzi tamâta simo tâno ndoni marumbu lâ! Aku i ma imo koipu ŋalae mine ku imo nâ!”

<sup>16</sup>Ŋineŋga kinzi ajelo mbâna-mbâna 24, kinzi ŋinde uru sisarona nenzi saronâŋa nia lâ Maro Kindeni nao, ande sipare tukunzi ku naonzi tundu sipanea Maro Kindeni. <sup>17</sup>Kinzi siporo tu,

“Maro Ŋalae Kindeni, noko Walo Tamwata, noko kumo mine, aku muŋgani kumo mine nâ. Maka kawama ndaŋge pano, ŋana tu noko pwai ne walo ŋalae lâ tini marumbu lâ, aku kumandi ŋana pwai maro panzi tamâta kâ. <sup>18</sup>Kinzi tamâta ‘lâ tinikoa ŋgu nde wisinzi nâna ŋalae pa noko. Kala ŋine noko ne zo ŋana wisi-nâna kâ nde imâ ipâŋga lâ. Mine kala zo ŋana noko ma kupare nia panzi tamâta muŋga simâte ŋinde, ande imâ ipâŋga lâ. Aku zo ipâŋga lâ ŋana noko ma kulu ara kulanzi noko ne wurâta tamâta kinzi ŋgua-tulâŋa tamâta, sitavanzi tamâta rârâni uru sipaneano ku simege ŋanano, kinzi tamâta ŋalaŋala wa tamâta kaa kaa wa. Aku zo ŋana noko ma kuyaulanzi tamâta ŋinde muŋga siyaula tâno, ande imâ ipâŋga lâ.”

<sup>19</sup>Kinzi ajelo mbâna-mbâna siporo ŋgua ŋine lâ, ŋineŋga ajelo tonje ikai Maro Kindeni ne luma sapâŋa ne nzâla piti, lumani ndaina ikeno samba ilo. Aku lâ luma sapâŋa ilo, ande naŋa amora Juda nenzi sopi sapâŋa, kelekele ŋana Maro Kindeni ne ŋgua pâŋa muŋgâŋa ikeno ilo ŋinde. Aku mâsi ŋalaŋala pinde ipâŋga; loloa salaga ilâ wa imâ wa, aŋga mbamba ipu, aŋga nia nduŋeŋa ŋalae ipâŋga, aŋga ogigi ririŋo ŋalae, aŋga karâzi ipagema tava “ais” aku imbe ndue.

### Yoane imoranzi taine ku mwâta rua

**12** <sup>1</sup>Ŋineŋga mâsi ŋalae kie tonje nde ipâŋga lâ nia maa. Mâsi ŋinde nde kilala mine: taine tonje imo,<sup>b</sup> aku isawa kari itogo ne pasawaŋa mine. Nzimona nde ikeno i kie kalo, aŋga pitu sarao kanaŋo rua nde keno i kulu, itogo ne loki-loki mine. <sup>2</sup>Taine ŋinde nde kapwa, aku i kumbu nâna ŋana ipagugua lâlu kâ. Zo ŋana ipagugu kâ nde ipâŋga lâ. Mine kala isama nâna ŋalae tina, aku isuŋa kawa ŋalae.

<sup>3</sup>Ŋineŋga mâsi ŋalae kie tonje kala ipâŋga lâ nia maa tona. Mâsi ŋinde nde kilala mine: mwâta ŋalae tonje imo, i tini ŋiŋi. I kulu lima kanaŋo

<sup>b</sup> 12:1 Kinzi ilo-kalo tamâta situ taine ŋinde nde itogonzi Maro Kindeni ne kalo-tawana tamâta ŋgu rârâni, aŋga lâlu nde itogo Kirisi tamwata.

rua, aŋga tando saŋao nde keno i kulu. Aku loki-loki toŋge, itogo koipu ŋalaŋala nenzi loki-loki mine, ande ikeno lâ i kulu ŋinde taitu-taitu.

<sup>4</sup>Mwâta ŋinde iu nde ilâ ku itakanzi pitu pinde piti lâ samba tini ku itambiranzî simbe sindue pa tâno kulu. Ŋinde itogo siwaenzi pitu rârâni sipâŋga ŋgu ŋato ŋato, aku pitu “ŋgu” toŋge nde simbe sindue mine. Aku mwâta ilâ imandi taine ŋinde nao, ina kala imo laiti ŋana ipagugua lâlu kâ. Mwâta io tini pa taine ŋinde tu mambo ipagugu lâ, ande i ma ika lâlu ŋinde.

<sup>5</sup>Ŋineŋga taine ipagugua natu tamâne ipâŋga, ina tamâtani ndaina Maro Kindeni ipatea tu ma isaŋa tukâla “aini” ŋana ikai poe kaika panzi tamâta ŋgu rârâni kâ. Taine ipagugua natu ipâŋga lâ, ŋineŋga walele nâ sikai natu kâki ilâ pa Maro Kindeni lâ i ne saŋonâŋa nia ŋinde. <sup>6</sup>Aŋga taine nde ikâwa ilâ pa nia bilimu toŋge Maro Kindeni muŋga ipatea tu ma iveta sondo papa. Pateâŋa keno lâ tu taine ŋinde ma imo niani ndaina ikura kari 1,260, aku kinzi ma sikatona i wa kâpwa silua wa.

<sup>7</sup>Aku marumbu. Paraŋa ŋalae tina nde imandi lâ samba lawea. Maikel, ina kinzi aŋelo nenzi kulu-kâmba, tavanzi i ne aŋelo, ande sipara kuku mwâta ŋalae ŋinde. Aku mwâta tavanzi i ne aŋelo kala simandi sipara kuku kinzi mine nâ. <sup>8</sup>Andeta mwâta ne kaika toŋge ŋana ipolenzi kâ, ande tia. Tia ku i tavanzi ne aŋelo ŋinde nde sikura tu simo samba lawea kilo, ande tia. <sup>9</sup>Ŋineŋga Maro Kindeni ne aŋelo kinzi nde sitambira mwâta ŋalae ŋinde imbe ndue lâ tâno kulu. Mwâta ŋinde nde siŋgani imo, aku i ŋa tu Sadana. Aŋga i ŋa toŋge nde mine; “I ŋana italeanzi tamâta kâ”. I uru ikai laŋeŋa panzi tamâta ndoni lâ tâno kulu. Kinzi sitambira imbe indue lâ tâno kulu, aku sitambiranzî i ne aŋelo simbe sindue tona.

<sup>10</sup>Ŋineŋga naŋa aloŋo sarawâŋa kaika toŋge iyoka pa samba ilo imâ mine tu, “Ŋainani nâ Maro Kindeni ma iyautenzi ne tamâta piti lâ kazâŋa ilo! I ne walo ŋalae nde ipâŋga nia yo lâ, kala imo koipu ŋalae! Aku i ne Pateâŋa Tamâta Kirisi nde ikai Maro Ŋalae lâ. Ŋana tu kinzi aŋelo nde sitambira Sadana imbe indue lâ, ina kala uru italeanzi ninda-nambwe kalo-tawana tamâta lâ Maro Kindeni nao ikura kari wa mbo wa. <sup>11</sup>Kinzi kalo-tawana tamâta ŋinde muŋga ilonzi koŋa ŋana warakanzi nenzi via kâ, ande tia. Kinzi siruru ŋana simâte kâ, ande tia. Kinzi sikai walo lâ Lama see, aku sikaika ŋana situla i ne ŋgua mao ŋinde pwataki kâ. Aku ŋana nenzi vetâŋa ŋinde kâ, ande kinzi sipole nenzi kazâŋa tamâta ŋinde marumbu lâ. <sup>12</sup>Mine kala miki ŋgu ndoni kamo samba ilo, ande miki ma kandeka nâ. Aŋga miki ŋgu ŋine kamo tâno kulu wa tâi ilo wa, ande miki ma kalomi sukâŋa ndo. Malia ŋalae tina nde imâ ipâŋga pami, ŋana tu Sadana nde indue imâ pami lâ. Isama tu i ne zo tini-mwata nâ keno mo ŋai yo. Mine kala i wisi nâna ŋalae ndo.”

<sup>13</sup>Mwâta ŋinde nde isama tu kinzi sitambira i ndue ndo lâ tâno kulu. Mine kala ilâ itaŋgula taine ŋinde muŋga ipagugua natu tamâne.

<sup>14</sup>Andeta sikai malabogi ŋalae tonje mbani rua ku sio lâ taine ŋinde tini, ŋana i ma ikura tu ilou ilâ nia bilimu tonje muŋga siveta nia papa ikeno ŋinde. Maro Kindeni ne pateâŋa ikeno mine: taine ŋinde ma imo malawae ndo ŋana mwâta ŋinde kâ ikura mbwera ŋato ŋa nzimona lima kanaŋo taitu, aku kinzi ma sikatona i wa kâpwa silua wa. <sup>15</sup>Ŋineŋga mwâta ŋinde ilata lââ lâ kawa ilo. Lââ ŋinde ipâŋga itogo lââ ŋalae mine, aku irere itaŋgula taine ilâ. Mwâta itu lââ ŋinde ma ilâ ipatuku taine ku ma iyaula i ndo. <sup>16</sup>Andeta tia. Tâno nde ivila taine ŋinde. Tâno kawa nzaŋa, aku inzema lââ ŋinde mwâta ilata lâ kawa ilo. <sup>17</sup>Tia ku mwâta wisi nâna ŋalae ndo ŋana taine ŋinde kâ, aku ilâ tu iveta paraŋa kunzi taine ŋinde ne vâsa, kinzi ŋinde uru sipaveta kuku Maro Kindeni kawa ŋgua ku situla Yesu parina. <sup>18</sup>Aku mwâta ilâ imandi sâwaneka, lâ tâi pwali.

### Ŋgoa ŋgoi rua simâ sipâŋga

**13** <sup>1</sup>Ŋineŋga naŋa amora ŋgoa ŋgoi tonje pusu kâki tâi ilo ku iyâti imâ. I kulu lima kanaŋo rua, aŋga tando saŋao nde imandi kulu. Aku ikundu loki-loki tonje, itogo koipu ŋalaŋala nenzi loki-loki mine, lâ i ne tando taitu-taitu kulunzi. Aŋga ŋoa pinde keno lâ i kulu taitu-taitu, aku ŋoa ŋinde ne duvi nde ŋana ivaligi Maro Kindeni kâ. <sup>2</sup>Ŋgoa ŋgoi naŋa amora ŋinde nde itogo mbwâmbwa ŋgoi ŋalae tonje, i ŋa tu “lepat”. Aŋga i kie nde itogo ŋgoa ŋgoi “bea” kie mine, aŋga i kawa nde itogo mbwâmbwa saka “leve” kawa mine. Aku mwâta ŋalae ŋinde walo kaika ilua ŋgoa ŋgoi ŋinde, itogo i tamwata ne walo kaika mine. Iveta ŋgoa ŋgoi ŋinde tu imo koipu ŋalae itogo i tamwata mine, aku i ne kaika ilua ŋana ikai poe panzi tamâta kâ. <sup>3</sup>Naŋa amora mine tu itogo kinzi muŋga sisowe ŋgoa ŋgoi ŋinde kulu tonje, aku nzimba tonje silua ŋana imâte kâ. Andeta nzimba sakamao ŋinde nde mâo lâ, aku ara kilo. Aku tamâta rârâni nde wisinzi motu ndo ŋana simora ŋgoa ŋgoi ŋinde, kala sipono muli papa i. <sup>4</sup>Kinzi sisama tu mwâta ŋalae ŋinde tamwata ne walo kaika ilua ŋgoa ŋgoi ŋinde lâ. Mine kala siwâŋgi sipanea mwâta ŋalae, aku sipanea ŋgoa ŋgoi tona. Kinzi siporo tu, “Tamâta tonje ipakura kuku ŋgoa ŋgoi ŋine, ande tia, aŋga tamâta tonje ikura ŋana ipara kuku i, ande tia ndo.”

<sup>5</sup>Ŋineŋga Maro Kindeni isâu pa ŋgoa ŋgoi ŋinde tu i kawa pakâe-pakâe potomule iporo ŋgua pavaligiŋa pa Maro Kindeni kâ. I ne kaika ŋana imo koipu kâ keno ikura nzimona tamâta rua kanaŋo rua (42). <sup>6</sup>Mine kala ŋgoa ŋgoi imandi ŋana iporo ŋgua pavaligiŋa pa Maro Kindeni kâ. Iporo ŋgua sakamao ŋana iyaula Maro Kindeni ŋa wa ne lawea wa, aku iporo ŋgua sakamao ŋana iyaulanzi ŋgu rârâni simo samba ilo ŋinde tona. <sup>7</sup>Aku Maro Kindeni isâu papa i tu ma ipara kunzi i ne tamâta ku ipolenzi. Mine kala ipara kunzi ipolenzi lâ, aku ipunzi ndue. Aku ikai walo kaika

ņana imo koipu panzi tamāta ŋgu rārāni lâ tâno ndoni, nenzi ŋgua piti-piti wa tininzi kie-kie wa. <sup>8</sup>Mine kala tamāta rārā ŋinde lâ tâno kulu ma sipanea ŋgoa ŋgoi ŋinde. Aņga tamāta pinde ma sipanea i tia. Siņgani, lâ zo ŋinde Maro Kindeni ŋandai ipulia tâno ipāņga ŋga, ande tamāta ŋinde ŋanzi ikeno lâ via ne pepa tini. Pepa ŋinde nde Lama ne pepa, Lama ŋinde muņga sipu pāta imāte.

<sup>9</sup>Ambo miki taņami keno, ande kalonjo ŋgua ŋine sondo. <sup>10</sup>Ambo Maro Kindeni ipatea tamāta tonje tu ma ilā luma sakamao ilo, ande i ma ilā luma sakamao ilo mine nā. Ambo ipatea tamāta tonje tu ma pila nā sipu pāta imāte, ande ma pila nā sipu pāta imāte mine nā. Mine kala lâ zo ŋana vetāņa ŋinde ipāņga kâ, ande ara ŋana Maro Kindeni ne tamāta ma simandi kaika ku kalonzi tawana i kaika ku simo nā.

<sup>11</sup>Ŋineņga naņa amora ŋgoa ŋgoi tonje kala ipu tâno pwataki ku iyāti imā pa nia yo. Tando rua nde simandi lâ i kulu, itogo lama ne tando mine. Aku iporo ŋgua itogo mwāta ŋalae uru iporo mine. <sup>12</sup>Ŋgoa ŋgoi ŋinde nde ikai ŋgoa ŋgoi ipāņga muņgāņa ŋinde ndamwa. Aku lâ i nao, ande ikai wurāta ŋana ivetanzi tamāta rārāni simo tâno kulu tu sipanea ŋgoa ŋgoi muņgāņa ŋinde, ina kala muņga ikai nzimba sakamao ŋana imāte kâ, ŋineņga nzimba ŋinde mào lâ. <sup>13</sup>Ŋgoa ŋgoi kala ipāņga muli ŋinde nde iveta māsī kaika kie-kie. Māsī ŋalae kie tonje nde mine: iveta yāā ipile samba ku indue imā tâno kulu lâ tamāta naonzi. <sup>14</sup>Maro Kindeni isāu papa i tu ma iveta māsī kaika kie-kie lâ ŋgoa ŋgoi muņgāņa ŋinde nao. Aku ŋana i ne māsī ŋinde kâ, ande ŋgoa ŋgoi ilaņenzi tamāta rārāni simo tâno kulu. I itu kaika panzi tamāta tu ma sipare ŋgoa ŋgoi muņgāņa ŋinde tai lâ kâi tini, ŋana ma sipare tukunzi situndu papa. Ina kala ŋgoa ŋgoi ŋinde muņga pila nā sipu, andeta imāte tia, imo via nā. <sup>15</sup>Aku Maro Kindeni isāu papa ŋgoa ŋgoi ipāņga muli ŋinde tu koroani via ma ilua ŋgoa ŋgoi muņgāņa ne pareņa-māsī ŋinde. Mine kala pareņa-māsī ŋinde nde iporo ŋgua. Ambo tamāta tonje tini pwāka tu ipanea pareņa-māsī ŋinde, ande pareņa-māsī tamwata ne kaika keno ŋana io tamāta ŋinde ilā ŋana sipu pāta imāte kâ. <sup>16</sup>Ŋineņga ŋgoa ŋgoi ipāņga muli ŋinde nde itu kaika tu kinzi ma sisowe māsī tonje lâ tamāta rārāni taitu-taitu tininzi. Tamāta pinde sikai māsī ŋinde lâ mbaunzi via kâ, aņga pinde nde sikai lâ ndamwanzi. Kinzi sisowe māsī ŋinde lâ tamāta rārāni tininzi, kinzi tamāta kaa nā wa kinzi tamāta ŋalaņala wa, kinzi mbaliņa warakanzi wa kinzi sugorai tamwatanzi wa, kinzi tamāta uru siveta wurāta ŋana mbaliņa kâ wa kinzi tamāta uru siveta wurāta koa tia nā wa. <sup>17</sup>Ambo māsī ŋinde ikeno tamāta tonje tini tia, ande tamāta ŋinde ikura tu ipalulua mbumbu kunzi tamāta pinde ŋana sipako kelekele kâ, ande tia. Māsī ŋinde nde ŋgoa ŋgoi ŋinde ŋa, aku i nde ŋoa ŋinde ne kambwaņe tona.

<sup>18</sup>Tamāta ea nenzi ilo-kalo ara, ande kinzi ŋinde nā ma sikura tu sisama vetāņa ŋine kilala sondo. Ambo tamāta tonje imo tava ilo-kalo



ara, ande ara nana i ma isowe ngoa ngoi njinde ne kambwaje sondo, nana tu kambwaje njinde nde itogo tamâta tonje na. Kambwaje njinde nde mine: 666.<sup>c</sup>

### Lama ne tamâta siwângi wângija wasaseki

**14** <sup>1</sup>Njineŋga naŋa amora kilo, aku matâŋgu amora Lama imandi Saion Tuu kulu, tuu njinde Jerusalem lawea imandi kulu. Aku tamâta 144,000 nde simandi simo kuku Lama.<sup>d</sup> Maro Kindeni muŋga iŋgere Lama na aŋga Lama Tama na lâ kinzi taitu-taitu ndamwanzi. <sup>2</sup>Aku naŋa aloŋo nduŋeŋa tonje ipâŋga lâ samba lawea. Njinde nde itogo lââ ŋalae ne nduŋeŋa mine, aŋga itogo mbamba ipu ne nduŋeŋa tona. Naŋa aloŋo nduŋeŋa njinde, ande itogo tamâta sipu wâŋgija ne kelekele tonje mine. <sup>3</sup>Kinzi tamâta 144,000 njinde nde simandi Maro Kindeni ne saŋonâŋa nia nao, aku siwâŋgi wâŋgija wasaseki tonje lâ kelekele napa vianzi kâ njinde naonzi, aŋga lâ kinzi aŋelo mbâna-mbâna naonzi tona. Maro Kindeni muŋga ikonzi tamâta 144,000 njinde piti lâ tamâta rârâni ŋgininzi, aku kinzi simbonzi nâ sikura nana siwâŋgi wâŋgija njinde sondo. Tamâta tonje ikura tu iwâŋgi wâŋgija njinde sondo, ande tia. <sup>4</sup>Kinzi tamâta njinde muŋga ŋandai sitambira tininzi potomule kunzi taine nŋa. Kinzi simo ilonzi mbâra-mbâra ndo. Aku nia ndia Lama itu ilâ papa, ande tamâta njinde uru soka i muli silâ. Maro Kindeni muŋga ikonzi nŋu njinde piti lâ tamâta rârâni ŋgininzi, aku simo Maro Kindeni kuku Lama rua nenzi nŋu. Kinzi sitogo tâno wasaseki ne kâpwa ara ipâŋga muŋgâŋa mine, kâpwa njinde tamâta uru sipatarâwa pa Maro Kindeni. <sup>5</sup>Kinzi siporo nŋua laŋeŋa tonje tia ndo. Kinzi nenzi vetâŋa soki tonje keno tininzi, ande tia.

### Kinzi aŋelo nato situla nŋua

<sup>6</sup>Njineŋga naŋa amora aŋelo tonje ilou lâ nia maa. I ne wurâta nde nana itula pâri ara panzi tamâta nŋu rârâni lâ tâno ndoni, nenzi nŋua piti-piti wa tininzi kie-kie wa. Pâri ara njinde ma marumbu tia, ma ikeno mine ku imo nâ. <sup>7</sup>Aŋelo njinde isuŋa kawa kâki ŋalae mine tu, “Maro Kindeni ne zo nana ipare nia panzi tamâta kâ, ande imâ ipâŋga lâ! Mine kala miki ma kamege nana i kâ, aku kasuka i nâ kâki! Miki kapanea Maro Kindeni, inani kala muŋga ipulia samba wa tâno wa tâi wa lââ duvi wa!”

<sup>8</sup>Njineŋga aŋelo tonje kala iyoka aŋelo muŋgâŋa njinde muli imâ. Aŋelo njinde nde iporo tu, “Lawea ŋalae Babilon nde zavaruŋa marumbu

<sup>c</sup> 13:18 Kinzi ilo-kalo tamâta situ njine nde nŋua tambirâŋa nana koipu ŋalae tonje ikai kazâŋa ŋalae tina panzi kalo-tawana tamâta. <sup>d</sup> 14:1 Kinzi ilo-kalo tamâta situ njine nde nŋua tambirâŋa nana kinda kalo-tawana tamâta rârâni.

lâ!<sup>e</sup> Mao nâ, lawea ñinde zavaruņa ndo lâ. Lawea ñinde muņa ivetanzi tamâta ñgu ndoni sipaveta kuku vetâņa sakamao ñana sipalulua tininzi potomule kâ. Vetâņa ñinde itogo lawea ñinde waini kaika ilanzi tu sinu kâ, kala sidauda.”

<sup>9</sup>Ñineņa aņelo toņge kala iyoka aņelo rua ñinde mulinzi imâ, aku itara kaika mine tu, “Tamâta ea ipare tuku pa ñgoa ñgoi tava ne pareņa-mâsi, aku ikai ñgoa ñgoi ne mâsi kilala lâ ndamwa tâku mbau tâku, <sup>10</sup>ande tamâta ñinde kala ma inu waini kaņa toņge. Waini ñinde nde Maro Kindeni ne wisi-nâna, aku i ma igema lââ tava waini ñinde ñana ikai waini ne makisa pinde piti kâ, ande tia. I ma ipaliņi ne wisi-nâna ñinde lâ pareņa-nia ne kâmba ilo, aku tamâta ea muņa ipare tuku pa ñgoa ñgoi, ande i ma inu. Aku lâ Lama tavanzi Maro Kindeni ne aņelo naonzi, ande tamâta ñinde ma ikai nâna ñalae tina lâ mira ndimoro ne yââ. <sup>11</sup>I ma ikai nâna lâ yââ ñinde, aku yââ ne mundo ma ikâki mine ku imo nâ. Mao nâ, tamâta ea muņa sipare tukunzi pa ñgoa ñgoi tava ne pareņa-mâsi, aku sikai i ña ne mâsi kilala lâ tininzi, kinzi ñinde ma sisama nâna ikura kari wa mbo wa, ma sikai nâna mine ku simo nâ.” <sup>12</sup>Andeta Maro Kindeni ne tamâta uru sipaveta kuku i kawa ñgua, aku sio nenzi kalo-tawana ikeno kaika pa Yesu. Mine kala lâ zo ñana vetâņa kie mine ma ipâņa panzi ñgoa ñgoi ne tamâta, ande kinda Maro Kindeni ne tamâta ma tambariri ndimo, ma tamandi kaika nâ.

<sup>13</sup>Ñineņa naņa aloņo sarawâņa toņge iyoka pa samba imâ pa naņa mine tu, “Noko ma kuņgere ñgua lâ pepa tini mine tu, ‘Lâ zo ñine aņa lâ zo muli-muli wa, ambo tamâta toņge kalo tawana Maro ñalae, ñineņa imâte, ande tamâta ñinde ma indeka.’” Aku Koroani Sapâņa kala iporo mine tu, “Mao nâ, kinzi tamâta mine sikura tu sindeka ñalae, ñana tu kinzi ma sipile malia wa nâna kie-kie uru ipâņa panzi lâ tâno kulu, aku ma sipwarea. Kinzi ma sikai pwareâņa ara, ñana tu vetâņa ara ndia muņa siveta ñinde ma ipâņa nia yo.”

### **Zo ñana sigona kaniņa lâ tâno kulu kâ nde imâ ipâņa lâ**

<sup>14</sup>Ñineņa naņa amora kilo, aku amora take-take pâne toņge. Aņa tamâta toņge, i nde itogo kinda tâno tamâta mine, ande isaņona imo take-take ñinde kulu. I ikundu loki-loki “gol” toņge lâ kulu, aku isaņa pila toņge, mata ruru ndo, lâ mbau ilo. <sup>15</sup>Ñineņa aņelo toņge iyoka pa Maro Kindeni ne luma sapâņa ilo iyâti imâ. Aku isarâwa kaika ndo pa tamâta ñinde isaņona take-take kulu mine tu, “Noko pwai ne pila, aku kulâ kugona kaniņa. Kaniņa ndoni ikeno tâno ilo ñinde nde ilâ nia lâ. Mine kala zo ñine nde kaniņa gonâņa ne zo.” <sup>16</sup>Ñineņa tamâta isaņona take-take kulu ñinde nde ikai ne pila, aku ilâ igona kaniņa rârâni ikeno tâno ilo.

<sup>e</sup> 14:8 Yoane isia ñgua ñananzi Maro Kindeni ne kazâņa tamâta lâ Babilon lawea tini.

<sup>17</sup>Ŋineŋga aŋelo toŋge kala iyoka pa Maro Kindeni ne luma sapâŋa ilo aku iyâti imâ pa nia yo. I kala isaŋa pila toŋge mata ruru ndo. <sup>18</sup>Ŋineŋga aŋelo toŋge kala iyoka pa luma sapâŋa ne patarawâŋa nia iyâti imâ. I ne wurâta nde ŋana ikatona yââ lâ patarawâŋa nia. Isarâwa kaika pa aŋelo ŋinde isaŋa pila mata ruru ndo, aku ipai tu, “Kâi waini kanaŋo rârâni ikeno lâ tâno ilo ande wula-wula lâ. Mine kala noko pwai ne pila ŋinde mata ruru ndo, aku kulâ kutoto waini kanaŋo piti lâ kâi tininzi, aku kugona kanaŋo ŋinde lâ nia toŋge.” <sup>19</sup>Ŋineŋga aŋelo ŋinde ikai ne pila, aku ilâ tâno ilo ku itoto waini kanaŋo piti lâ kâi tininzi. Itoto lâ, ŋineŋga igona kanaŋo ŋinde lâ nia toŋge, aku itambira ilâ kondo mira ŋalae toŋge ilo, ŋana kinzi ma sipale lâ kenzi kâ. Kondo ŋinde nde itogo Maro Kindeni ne wisi-nâna mine. <sup>20</sup>Aku kenzi nâ sipale waini kanaŋo ŋinde ikeno kondo mira ŋalae ilo. Kondo ŋinde uru ikeno niaka ŋana Jerusalem lawea ne ŋgumbi ŋgaŋe kâ. Kinzi sipale, aku see ipâŋga kondo ilo, aku imaliŋi iyâti imâ pa nia yo. Aku see ŋinde irere ilâ isala tâno ndoni, ilâ ikura nia mbuku 300 mine. Aku see ŋinde ipondi kâki ikura ipaŋando tamâta mine.

**Kinzi aŋelo lima kanaŋonzi rua sisaja  
kelekele sakamao lima kanaŋo rua**

**15** <sup>1</sup>Ŋineŋga naŋa amora mâsi kilala kie toŋge ipâŋga lâ samba tini, aku wisinŋu motutu. Naŋa amoranzi aŋelo lima kanaŋonzi rua simo, sisaja kelekele sakamao lima kanaŋo rua ŋana sizavarunzi tamâta kâ. Aku lâ zo ŋana vetâŋa sakamao ŋinde ma marumbu lâ, ŋineŋga Maro Kindeni ne wisi-nâna ma marumbu ndo lâ. <sup>2</sup>Ŋineŋga naŋa amora kelekele toŋge itogo tâi ŋalae mine, muŋga siveta lâ nduŋgu tava yââ. Aku tamâta pinde nde simandi tâi ŋinde pwali, kinzi ŋinde muŋga sipole kazâŋa kala sipolenzi ŋgoa ŋgoi ŋinde tava i ne pareŋa-mâsi wa i ŋa ne kambwaje wa. Kinzi tamâta ŋinde taitu-taitu sisaja kelekele toŋge ŋana wâŋgiŋa kâ, ŋinde muŋga Maro Kindeni ilanzi. <sup>3</sup>Kinzi simo siwâŋgi wâŋgiŋa toŋge. Wâŋgiŋa ŋinde nde Maro Kindeni ne wurâta tamâta Mose kuku Lama rua nenzi wâŋgiŋa. Wâŋgiŋa ŋinde nde mine;

“Maro Ŋalae Kindeni, noko Walo Tamwata. Vetâŋa ŋalaŋala rârâni noko kuveta ŋinde ande ara ndo. Noko kumo pwai koipu ŋalae panzi tamâta rârâni, aku noko ne vetâŋa rârâni nde sondu ku mao kanaŋo. <sup>4</sup>Maro Ŋalae, noko simbo nâ kumo sapâŋa. Mine kala tamâta ŋgu ndoni ma simege ŋanano ku sisuka noko ŋa kâki. Tamâta ŋgu ndoni ma simâ sipare tukunzi ‘pano, ŋana tu noko ne vetâŋa sondu nde ipâŋga nia yo lâ.”

<sup>5</sup>Kinzi siwâŋgi wâŋgiŋa ŋinde marumbu lâ, ŋineŋga naŋa amora kilo, aku amora Maro Kindeni ne luma sapâŋa i kawa maa ikeno. Luma sapâŋa ŋinde nde ŋana itula Maro Kindeni kawa ŋgua mao pwataki kâ. <sup>6</sup>Aŋga

aŋelo lima kanaŋonzi rua ŋinde nde sipile luma sapâŋa ku siyâti simâ pa nia yo. Kinzi aŋelo ŋinde sisaŋa kelekele sakamao lima kanaŋo rua ŋana sizavarunzi tamâta kâ. Kinzi sipita lalava pâne ara ndo, aku lalava ŋinde salaga ndo. Aku silelea lalava mota muŋga sisuta lâ kaimbo “gol” ipono kondondonanzi tona. <sup>7</sup>Ŋineŋga kelekele ŋapa vianzi kâ ŋinde toŋge nde ikai kondo “gol” lima kanaŋo rua, aku kondo toŋge ilanzi aŋelo lima kanaŋonzi rua ŋinde taitu-taitu. Aku Maro Kindeni, inani ŋana imo via ku imo nâ, ande i ne wisi-nâna nde ipipi ndo ikeno lâ kondo lima kanaŋo rua ŋinde ilonzi. <sup>8</sup>Ŋineŋga Maro Kindeni ne sinâla tava ne walo ŋalae nde iveta mundo ipâŋga ku ipipi ndo lâ i ne luma sapâŋa ilo. Mine kala tamâta toŋge ikura ŋana ilâ luma sapâŋa ilo tia ndo lee, ikura lâ zo ŋana kinzi aŋelo lima kanaŋonzi rua ŋinde ma siveta nenzi wurâta ŋana sizavarunzi tamâta kâ marumbu lâ.

**Kinzi aŋelo sipaliŋi Maro Kindeni ne wisi-nâna ndue lâ tâno kulu**

**16** <sup>1</sup>Ŋineŋga naŋa aloŋo sarawâŋa ŋalae toŋge iyoka pa Maro Kindeni ne luma sapâŋa imâ panzi aŋelo lima kanaŋonzi rua ŋinde. Aku ŋgua imâ panzi mine tu, “Miki kakai kondo lima kanaŋo rua ŋinde Maro Kindeni ne wisi-nâna ipipi ikeno ilo, aku kalâ kapaliŋi ndue lâ tâno kulu.”

<sup>2</sup>Ŋineŋga aŋelo toŋge ilâ ipaliŋi ne kondo ndue lâ tâno kulu, aku mbwatakâe kaika kie-kie sakamao ndo ipâŋga lâ tamâta pinde tininzi, kinzi ŋinde muŋga sikai ŋgoa ŋgoi ne mâsi kilala lâ tininzi ku uru sipare tukunzi pa i ne pareŋa-mâsi.

<sup>3</sup>Ŋineŋga aŋelo toŋge kala ilâ ipaliŋi ne kondo ndue lâ tâi ilo, aku tâi nde ipalele ipâŋga itogo mateŋa tamâta seenzi mine. Ŋineŋga iŋa rârâni sitavanzi kelekele ndoni simo vianzi lâ tâi ilo, ande sipamateteu lâ.

<sup>4</sup>Ŋineŋga aŋelo toŋge kala ilâ ipaliŋi ne kondo ndue lâ lââ ŋalaŋala wa lââ sâko keve ilonzi, aku lââ rârâni ŋinde nde ipalele ipâŋga see. <sup>5</sup>Ŋineŋga naŋa aloŋo aŋelo toŋge, inani uru ikai katonâŋa panzi lââ rârâni, ande iporo mine tu, “Maro Kindeni, noko siŋgani kumo, kala ŋine noko kumo mine nâ. Noko Sapâŋa Tamwata, aku noko kupare nia panzi tamâta simo tâno kulu marumbu lâ. Vetâŋa rârâni noko kupatea tu kuveta panzi, ande vetâŋa ŋinde nde sondo ndo. <sup>6</sup>Kinzi tamâta ŋinde muŋga sipunzi noko ne tamâta sitavanzi noko ne ŋgua-tulâŋa tamâta, sipunzi pâta simâte lâ. Kala ŋine noko pwatu see ŋinde itaulo panzi tamâta sakamao ŋinde tu sinu kâ, aku noko ne vetâŋa sondo ŋine nde iyoke nenzi vetâŋa soki muŋga siveta ŋinde.” <sup>7</sup>Ŋineŋga naŋa aloŋo sarawâŋa toŋge iyoka pa patarawâŋa nia imâ mine tu, “Mao nâ! Maro Ŋalae Kindeni, noko Walo Tamwata, noko uru kupare nia panzi tamâta ŋana nenzi vetâŋa kâ, aku noko ne pareŋa-nia ŋinde nde mao ku sondo ndo!”

<sup>8</sup>Ŋineŋga aŋelo toŋge kala ilâ ipaliŋi ne kondo ndue lâ kari kulu, aku Maro Kindeni isâu pa kari ne yâa ŋiŋi kaika ndo tu ilâ kananzi tamâta.

<sup>9</sup>Kari mata ipâŋga nâna ŋalae ndo, aku kananzi tamâta pâta kanaŋo. Mine kala siporo ŋgua pavaligiŋa pa Maro Kindeni, ŋana tu i ikai poe pa kelekele sakamao ŋinde kâ. Andeta tamâta ŋinde tininzi pwâka tu sipalele ilonzi kalonzi ku sipanea i ŋa.

<sup>10</sup>Ŋineŋga aŋelo toŋge kala ilâ ipaliŋi ne kondo ndue lâ ŋgoa ŋgoi ŋinde ne saŋonâŋa nia kulu, aku kondoma ipâŋga ku ituranzi ŋgoa ŋgoi ne tamâta ŋgu rârâni. Nâna ŋalae tina nde ilâ ipâŋga panzi lâ. Mine kala simo siŋiri memelanzi. <sup>11</sup>Tamâta ŋinde kalonzi ŋgere ŋana nenzi nâna wa mbwatakâe ŋinde muŋga ipâŋga lâ tininzi, ŋineŋga siporo ŋgua pavaligiŋa pa Maro Kindeni, inani imo samba ilo. Andeta tininzi pwâka tu sipalele ilonzi kalonzi ŋana sipile vetâŋa soki uru siveta ŋinde.

<sup>12</sup>Ŋineŋga aŋelo toŋge kala ilâ ipaliŋi ne kondo ndue lâ Yufretis Lââ ŋalae kulu, aku lââ mâsa-mâsa lâ, ŋana iveta nzâla panzi koipu ŋalaŋala rârâ ma soka pa mbwera kâ simâ.

<sup>13</sup>Ŋineŋga naŋa amoranzi koroani saka ŋato simâ sipâŋga. Kinzi sitogonzi piri-piri mine. Toŋge nde iyoka pa mwâta ŋalae kawa ilo iyâti imâ, aŋga toŋge nde iyoka pa ŋgoa ŋgoi kawa ilo iyâti imâ, aŋga toŋge nde iyoka pa ŋgua-tulâŋa tamâta laŋeŋa kawa ilo iyâti imâ. <sup>14</sup>Kinzi koroani saka ŋinde uru siveta mâsi kaika ŋalaŋala. Kinzi silâ panzi koipu ŋalaŋala pa nia ndoni lâ tâno kulu. Kinzi nenzi wurâta nde ŋana sisowe koipu ŋalaŋala ŋinde ilonzi kalonzi, ŋana kinzi ma sikainzi zugu tamâta simâ sipasau lâ taitu. Ŋineŋga zugu tamâta ŋinde ma silâ siveta paraŋa pa Maro Kindeni, i Walo Tamwata, lâ i ne zo ŋana ipare nia panzi tamâta kâ.

<sup>15</sup>Maro Ŋalae iporo mine tu, “Miki kaloŋo ŋga; naŋa ma amâ walele nâ, itogo panawe tamwata uru imâ mine. Tamâta ea ika mâsa ku io ne pasawaŋa ndue ikeno i tini laiti, ŋana i ma ikura tu isawa walele nâ, ande tamâta ŋinde ma indeka, ŋana tu i ma iyoka wulo-wulo nâ lâ tamâta naonzi, ande tia. Aku kinzi ma sikura tu simora i ne maŋeti, ande tia.”

<sup>16</sup>Ŋineŋga koroani saka ŋinde nde sigonanzi koipu ŋalaŋala simâ sipasau lâ nia toŋge, sipatu ŋa lâ Hibru ŋgua mine tu, “Armagedon”.

<sup>17</sup>Ŋineŋga aŋelo toŋge kala ilâ ipaliŋi ne kondo ndue lâ nia maa, aku sarawâŋa kaika toŋge nde iyoka pa saŋonâŋa nia ikeno Maro Kindeni ne luma sapâŋa ilo ŋinde imâ. Aku ŋgua imâ mine tu, “Kala marumbu lâ!”

<sup>18</sup>Ŋineŋga loloa salaga ilâ wa imâ wa, aku nduŋeŋa ŋalae tina ipâŋga. Mbamba ipu, aku ogigi ririŋo ŋalae. Ogigi ŋinde nde ŋalae ndo, aku ogigi kie mine muŋga ipâŋga panzi tamâta simo tâno kulu, ande tia. <sup>19</sup>Ŋineŋga Babilon lawea ŋalae nde ipwa pwataki mo ŋato, aku tamâta ŋgu ndoni nenzi lawea ŋalaŋala nde zavaruŋa ndo. Maro Kindeni kalo ŋgere ŋana

tamâta simo Babilon lawea ñinde nenzi vetâña soki kâ, aku ipaliñi ne wisi-nâna ñalae tina ilâ pa lawea ñinde, itogo ipaliñi waini lâ kâmba ilo mine. <sup>20</sup>Ñineñga sia rârâni sipile nianzi ku sikâwa silâ marumbu lâ. Aku tuu rârâni kala naonzi tia mine nâ. <sup>21</sup>Aku mira “ais” ñalañala rârâ nde soka pa nia maa simbe sindue itogo karâzi mine panzi tamâta lâ tâno kulu. Mira “ais” ñinde rârâni taitu-taitu ne malia nde ikura malia tamâta rua kanaño sañao (50) mine. Mira “ais” ñinde nde iyaulanzi tamâta ndo. Mine kala kinzi siporo ñgua pavaligiña pa Maro Kindeni, ñana tu isupwa mira “ais” sakamao ñinde imâ panzi.

**Maro Kindeni ipare nia pa Babilon lawea, lawea  
ñinde itogo taine itambira tini potomule**

**17** <sup>1</sup>Ñineñga añelo toñge imâ pa naña. I nde toñge lâ kinzi añelo lima kanañonzi rua ñinde sisaña kondo lima kanaño rua. Imâ ku ipai naña tu, “Noko kumâ. Naña ma atula Maro Kindeni ne vetâña toñge pano. I ma ipare nia pa nzâla taine ñalae, inani kala uru isañona lââ ñalañala tininzi laiti.” <sup>2</sup>Kinzi koipu ñalañala lâ tâno kulu muñga sipalulua tininzi potomule kuku taine ñinde. Aku mine nâ, kinzi tamâta lâ tâno kulu kala siveta vetâña sakamao ndainani kuku i, aku vetâña ñinde ivetanzi sipânnga kapa, itogo tamâta idauda mine.”

<sup>3</sup>Ñineñga Koroani Sapâña ipañando naña ndo lâ, aku añelo ñinde ikai naña alâ pa nia bilimu toñge. Aku lâ nia ñinde, naña amora taine toñge isañona ñgoa ñgoi toñge kumbu. Ñgoa ñgoi ñinde tini nde ñiñi, aku ñoa sakamao rârâ ikeno lâ i karae tini. Ñoa ñinde nde ñana iveta ñgua pavaligiña kie-kie papa Maro Kindeni kâ. Ñgoa ñgoi ñinde i kulu lima kanaño rua keno, aña kulu tando sañao nde simandi i kulu. <sup>4</sup>Taine ñinde isawa pasawaña ñiñi pinde, aku isiña siñgâra arara rârâ lâ tini, mira “gol” wa mira arara mâsi ñgere-ñgere wa mbote-mbote wa. Siñgâra rârâni ñinde nde kulu ñalae tina. Aku isaña kâmba “gol” toñge lâ mbalau, aña vetâña sâmbu sakamao kie-kie nde pipi pânnga ndo lâ kâmba ñinde ilo. Ñinde nde itogo i ne mâsi ñana itambira tini potomule kâ ne muso. <sup>5</sup>Aña kinzi muñga siñgere ñoa toñge lâ taine ñinde ndamwa, itogo ñgua paveña toñge. Ñoa ñinde nde mine, “Babilon lawea ñalae, i nde nzâla taine rârâni tinanzi mao, aku i muñga ipulianzi tâno ñine ne vetâña sakamao ndoni sipânnga.” <sup>6</sup>Taine ñinde muñga ipunzi Maro Kindeni ne tamâta pâta simâte, kinzi ñinde uru kalonzi tawana Yesu ku situla i parina. Aku taine ñinde muñga inu tamâta ñinde seenzi, aku ñinde iveta i ipânnga kapa, itogo tamâta inu lââ kaika ku idauda mine. Naña matânğu amora ñinde, aku wisinğu motutu lâ.

<sup>7</sup>Ñineñga añelo ñinde ikasoña naña mine tu, “Mana mana ñga noko wisi motu mine, a? Taine ñinde, aña ñgoa ñgoi ñinde isañona kumbu, i

<sup>f</sup> 17:1 Ñine nde ñgua tambirâña ñananzi Maro Kindeni ne kazâña tamâta.

kulu lima kanaŋo rua wa kulu tando saŋao wa, ande kelekele ŋinde nde itogo mâsi paveâŋa. Kala ŋine naŋa ma atula mâsi ŋine ne duvi pwataki pano. <sup>8</sup>Ŋgoa ŋgoi noko kumora ŋinde, ande i muŋga imo via, aŋga zo ŋine imo via tia. Andeta muli, ŋinenŋa i ma ipile mbââ ŋalae ŋinde, ne lambu tia, ku ma ikâki imâ âta. Ŋinenŋa kinzi ma sizavaru i ndo lâ. Tamâta rârâ lâ tâno kulu ma simora ŋgoa ŋgoi ŋinde. Kinzi tamâta ŋinde ŋanzi ŋandai ikeno lâ via ne pepa tini lâ zo muŋgâŋa Maro Kindeni ipulia tâno ipâŋga tia yo. Kinzi ma simora i, aku ma wisinzi motutu, ŋana tu muŋga i imo via, kala ŋine imo via tia, aŋga muli nde i ma imâ ipâŋga.

<sup>9</sup>Tamâta ea nenzi ilo-kalo ara, ande kinzi ŋinde nâ sikura tu sisama mâsi ŋine kilala sondo. Kulu lima kanaŋo rua ŋinde nde sitogonzi tuu lima kanaŋo rua, tuu ŋinde taine uru isaŋona kulu. <sup>10</sup>Aku mine nâ, kulu lima kanaŋo rua ŋinde nde sitogonzi koipu ŋalaŋala lima kanaŋonzi rua. Kinzi lima nde simâte lâ, aŋga tonŋe nde imo via yo, aŋga tonŋe nde ŋandai imâ ipâŋga ŋga. Lâ zo ŋana koipu ŋalae ŋinde ma imâ ipâŋga tâno kulu, ande Maro Kindeni ipatea tu koipu ŋinde ma ikai poe ikura zo mbuku taitu nâ. <sup>11</sup>Aŋga ŋgoa ŋgoi ŋinde, ina muŋga imo via, kala ŋine imo via tia, ande i itogo koipu ŋalae tonŋe. I nde koipu ŋalaŋala lima kanaŋonzi rua ŋinde nawalanzi, aku i ma ilâ pa zavaruŋa nia.

<sup>12</sup>Aŋga kulu tando saŋao ŋinde muŋga kumora simandi ŋgoa ŋgoi ŋinde kulu, ande sitogonzi koipu ŋalaŋala saŋao. Kinzi ŋinde sipâŋga koipu tia yo, andeta muli ma sikai walo ŋalae kuku ŋgoa ŋgoi ŋinde, ku ma simo koipu ŋalaŋala ikura zo mbwana-mbwana nâ. <sup>13</sup>Kinzi koipu ŋalaŋala ŋinde ma sio ilonzi kalonzi ilâ taitu, ku ma sio warakanzi nenzi kaika wa walo ndoni ilâ pa ŋgoa ŋgoi. <sup>14</sup>Kinzi ma siveta paraŋa kuku Lama, andeta Lama ma ipolenzi ndo, ŋana tu i imo Maro Ŋalae panzi maro rârâni, aku imo Koipu Ŋalae panzi koipu ŋalaŋala rârâni. Aku tamâta pinde ma simo kuku Lama, kinzi ŋinde i tamwata muŋga ipateanzi ku isarawanzi lâ. Kinzi ŋinde uru sipono muli sondo papa i.”

<sup>15</sup>Ŋinenŋa aŋelo ŋinde iporo pa naŋa kilo mine tu, “Noko muŋga kumora lââ ŋalaŋala pinde, nzâla taine ŋalae uru isaŋona tininzi laiti ŋinde. Lââ ŋinde nde sitogonzi tamâta ŋgu rârâni simo tâno ndoni, nenzi ŋgua piti-piti wa tininzi kie-kie wa. <sup>16</sup>Aku ŋgoa ŋgoi muŋga kumora ŋinde ma ilâ taitu kunzi kulu tando saŋao, ku ma sikai kazâŋa pa nzâla taine ŋinde, aku ma siyaula i ndo lâ. Kinzi ma sikai i ne pasawaŋa ndoni piti lâ i tini, kala i ma imo tini kaa nâ, ŋinenŋa kinzi ma sika i mbatu ku ma simomo i karae lâ yââ kulu kana lâ. <sup>17</sup>Maro Kindeni tamwata ma ilo-kalo ilanzi koipu ŋalaŋala ŋana siveta vetâŋa ŋinde, ikura i muŋga ipatea mine. Mine kala kinzi ma sio ilonzi kalonzi ilâ taitu, aku ma sio warakanzi nenzi kaika wa walo ndoni ilâ pa ŋgoa ŋgoi ŋinde. Kinzi ma siveta mine lee, ikura lâ zo ŋana Maro Kindeni kawa ŋgua ma ipâŋga kanaŋo lâ. <sup>18</sup>Aŋga taine noko muŋga kumora ŋinde nde itogo lawea ŋalae ŋinde uru imo mbâna-mbâna panzi tâno ŋine ne koipu ŋalaŋala rârâni.”

### Babilon lawea nde zavaruŋa lâ

**18** <sup>1</sup>Ŋine ilâ lâ, ŋineŋga naŋa amora aŋelo toŋge ipile samba ku indue imâ. I ne walo ŋalae ŋinde, aku i tini nde salaga isinala tâno ndoni.

<sup>2</sup>Aku isarâwa kawa kâki ŋalae ndo mine tu, “Babilon lawea ŋalae nde zavaruŋa lâ! Mao nâ, i zavaruŋa ndo lâ! Kala ŋine Babilon ipâŋga koroani saka nenzi lawea, aku ipâŋga kinzi barâwe nianzi. Aku sii sakamao kie-kie simo ndaina tona, kinzi sii rârâni ŋinde uru sika tamâta mbatunzi.

<sup>3</sup>Zavaruŋa ŋine nde duvi mine; tamâta ŋgu ndoni muŋga sipalulua tininzi potomule kuku lawea ŋinde, aku nenzi vetâŋa ŋinde ivetanzi sipâŋga kapa, itogo tamâta inu lââ kaika ku idauda mine. Aku kinzi koipu ŋalaŋala lâ tâno kulu kala sipalulua tininzi potomule kuku i mine nâ. Kinzi tamâta rârâni uru ilonzi ŋalae koŋa pa kelekele arara nâ. Mine kala tamâta ŋinde uru sikai nenzi kelekele silâ ŋana sipako kâ, ande kinzi sikai mbaliŋa rârâ ŋana lawea ŋinde ne ilo-kalo potomule kâ.”

<sup>4</sup>Ŋineŋga naŋa aloŋo sarawâŋa toŋge iyoka pa samba imâ mine tu, “Miki nanenŋu tamâta, kapile lawea ŋinde ku kayâti kamâ nia yo. Tia ma miki kaveta kiesaka itogo i uru iveta mine, aku Maro Kindeni ne pareŋa-nia ma imâ pa miki tona. <sup>5</sup>I ne kiesaka nde sipasenŋe nâ sikâki silâ lee sikatu samba tini puu, aku Maro Kindeni kalo ŋgere ŋana lawea ŋinde ne vetâŋa potomule kâ.” <sup>6</sup>Ŋineŋga sarawâŋa ŋinde imâ kilo mine tu, “Miki kalomi ŋgere ŋana vetâŋa potomule rârâni i muŋga iveta ŋinde, aku kakatu vetâŋa kie mine papa. Ambo i muŋga iveta vetâŋa potomule taitu pami, ande miki ma kaveta vetâŋa rua kilo itaulo papa i. Ambo i muŋga iveta miki kanu lââ pinde ne makisa kaika mwasa, ande ara, miki kala ma kaveta i inu lââ pinde ne makisa kaika ndo. <sup>7</sup>I muŋga ipasuka taine tini ku itambira mbaliŋa ŋana iveta vetâŋa ndia i ilo papa ŋinde. Aku mine nâ, miki ma kakatu nâna wa malia itaulo papa i, ipakura kuku i ne vetâŋa muŋgâŋa ŋinde, aku kaveta i ita pâta kanaŋo. I uru iporo lâ i taine ilo mine tu, ‘Naŋa nde koipu taine ŋalae, aku uru asaŋona koipu ŋalae ne saŋonâŋa nia. Naŋa ŋandai atogo taine mwala kala amo kaa nâ, ande tia. Aku naŋa ma kalonŋu sukâŋa itogo taine kalonzi sukâŋa ŋalae ŋananzi kaiwanzi simâte lâ, ande tia ndo.’ <sup>8</sup>Mine kala vetâŋa kie-kie sakamao ndo ma ipâŋga papa i walele nâ. Pukoŋa kie-kie wa kalo-sukâŋa ŋalae wa putole ŋalae ma imâ ipâŋga papa i. Ŋineŋga Babilon lawea ŋinde ma yââ kana ndo lâ, ŋana tu Maro Ŋalae Kindeni, i Walo Tamwata, ande ipa ŋgua lâ ŋana i ne pareŋa-nia kâ.

<sup>9</sup>Tâno ŋine ne koipu ŋalaŋala ma simora yââ ne mundo ikâki lâ Babilon lawea, kinzi koipu ŋinde muŋga sipalulua tininzi potomule kuku i ku siveta vetâŋa kiesaka pinde kuku i. Kinzi ma simora yââ ne mundo ŋinde, aku ma kalonzi sukâŋa ŋalae tina, ma sipataiŋa wa ilonzi malia ŋana wa.



<sup>10</sup>Kinzi ma matanzi simora i ikai nâna ŋalae tina mine, aku ma siruru pâta kanaŋo. Kinzi ma simandi malawae ku ma sisarâwa mine tu, ‘Opopo, Babilon, noko lawea ŋalae, noko ne kaika ŋalae tina! Andeta Maro Kindeni ne pareŋa-nia ŋana noko ne kiesaka kâ nde imâ ipâŋga walele nâ pano!’

<sup>11</sup>Aku kinzi tamâta ŋinde lâ tâno ndoni uru sikai nenzi kelekele silâ ŋana sipako kâ, kinzi ŋinde ma sita wa sikai kalo-sukâŋa ŋalae ŋana Babilon lawea kâ, ŋana tu tamâta tonŋe ŋana iko nenzi kelekele kilo kâ, ande tia. <sup>12</sup>Muŋga, kinzi tamâta lâ Babilon lawea uru sipako nenzi kelekele arara kie-kie: mira ‘gol’ wa, mira ‘silva’ wa, mira tini ŋgere-ŋgere kie-kie ne kulu ŋalae wa, mbote-mbote kulu ŋalae wa, lalava pâne aŋga ŋiŋi kaŋa-kaŋa wa, kâi kie-kie ne kuwae ara ndo wa, kelekele kie-kie muŋga siveta lâ ŋgoa ŋalae ‘elefan’ ne saŋiri wa, kâi arara kie-kie ne kulu ŋalae wa, ‘baras’ ŋga ‘aini’ wa, mira ne tini mâsi wa, <sup>13</sup>kâi lau kiri-kiri kie-kie ŋana iveta kâpwa mona-mona kâ wa, kâi lau kiri-kiri kie-kie ne kuwae ara ndo wa, ‘waini’ wa, kâi ‘oliv’ kanaŋo siŋi ara wa, puroŋa ŋga kâpwa ‘wit’ wa, bulmakao wa, lama wa, hosi tava nenzi kareta wa, kinzi tamâta pinde wa. Kelekele rârâni ŋinde, ande tamâta tonŋe lâ Babilon lawea ŋana iko kilo kâ, ande tia.

<sup>14</sup>Kinzi tamâta uru sikai nenzi kelekele silâ ŋana sipako kâ ŋinde ma siporo pa Babilon lawea mine tu, ‘Opopo, kelekele arara rârâni muŋga noko ilo yosi tu pwai ŋinde, ande kelekele ŋinde nde nao tia lâ. Noko ne mbaliŋa wa siŋgâra arara rârâni kala naonzi tia lâ, aku noko ma kumora kelekele ŋinde kilo, ande tia ndo.’ <sup>15</sup>Kinzi tamâta ŋinde ma simora lawea ŋinde ikai nâna sakamao ndo, aku ma siruru pâta kanaŋo. Kinzi ma simandi malawae, ku ma sita wa sikai kalo-kalo ŋana, ku ma kalonzi loko. <sup>16</sup>Kinzi ma sisarâwa mine tu, ‘Opopo, noko lawea ŋalae! Noko muŋga kupita lalava arara nâ, lalava pâne wa ŋiŋi kaŋa-kaŋa wa. Aku noko muŋga kusinŋara mira arara nâ lâ tini, mira “gol” wa, mira tini ŋgere-ŋgere kie-kie ne kulu ŋalae wa, mbote-mbote wa. <sup>17</sup>Andeta walele nâ noko ne mbaliŋa ŋinde ndoni nde naonzi tia lâ.’

Aku wâŋga ŋalaŋala nenzi poe tamâta, sitavanzi nenzi wurâta tamâta wa, kinzi tamâta rârâni uru sipânza lâ tâi kulu wa, kinzi tamâta rârâni uru sikai wurâta ŋana mbaliŋa kâ lâ tâi kulu wa, kinzi tamâta ŋinde kala ma simandi malawae. <sup>18</sup>Kinzi ma simora yââ ne mundo ikâki lâ Babilon lawea, ŋinenŋa ma siporo mine tu, ‘Muŋgani, aku imâ lee ipâŋga lâ ŋine, ande lawea ŋalae tonŋe ipakura kuku Babilon lawea, ande tia ndo!’ <sup>19</sup>Tamâta ŋinde ma siliŋi tâno ne gawura kâki kulunzi ŋana itula nenzi kalo-sukâŋa pwataki kâ. Kinzi ma sipataiŋa, matanzi sulu ndue, aku ma sisarâwa mine tu, ‘Opopo, noko lawea ŋalae! Muŋga, kinzi tamâta pinde uru sikai wurâta ŋana mbaliŋa kâ lâ tâi kulu, ande kinzi ŋinde rârâni nde sipânŋa mbaliŋa warakanzi ŋana noko ne mbumbu kâ! Andeta walele nâ, ande noko nao tia ndo lâ!’

<sup>20</sup>Miki tamâta rârâni kamo samba ilo, ande miki kandeka ñana lawea ñinde ne zavaruņa kâ! Miki tamâta rârâni uru kapono muli sondo pa Maro Kindeni, aņga miki pâri-tamâta, aņga miki ñgua-tulâņa tamâta, miki rârâni kandeka nâ! Ñana tu Maro Kindeni kalo ñgere ñana vetâņa rârâni lawea ñinde muņa iveta pa miki, ande kala ipare nia papa lâ, ikura lawea ñinde ne vetâņa potomule mine.”

<sup>21</sup>Ñgua ñinde rârâni marumbu lâ, ñineņa aņelo toņge, i ne walo kaika, ande ikai mira ñalae toņge kâki ku itambira ilâ indue tâi ilo. Mira ñinde ne malia nde ñalae tina. Ñineņa aņelo ñinde iporo mine tu, “Maro Kindeni ma iveta vetâņa kaika mine nâ papa noko Babilon lawea. I ma izavaruno, kala noko ma nao tia lâ! <sup>22</sup>Mine kala tando kie-kie nenzi nduņeņa ma ipâņa kilo lâ noko ne ñgumbi ilo, ande tia ndo. Aku wâņgiņa toņge kala ma ipâņa kilo tia mine nâ. Aku wurâta tamâta toņge ma iveta wurâta ñana mbaliņa kâ kilo lâ noko ne ñgumbi ilo, ande tia ndo. Aku mira ma iveta nduņeņa kilo ñana ipopo kâpwa ‘wit’ vâsa kâ, ande tia ndo. <sup>23</sup>‘Lamu’ ne sinâla ma ipane nia kilo lâ noko ne ñgumbi ilo, ande tia ndo. Aku taine kuku tamâne rua nenzi pakâeņa ma ipâņa kilo tia mine nâ. Muņa, tamâta pinde uru sikai nenzi kekekele silâ ñana sipako lâ noko ne ñgumbi ilo, aku tamâta ñinde ñanzi ñalae ndo, sipolenzi tamâta ñalaņala rârâni lâ tâno kulu. Aku noko muņa kuveta nzâmbe sakamao kie-kie ñana kulaņenzi tamâta lâ nia ndoni.” <sup>24</sup>Lawea ñinde muņa ipunzi ñgua-tulâņa tamâta pâta simâte, aku ipunzi tamâta ñinde uru sipono muli pa Maro Kindeni simâte mine nâ, kinzi ñinde muņa simo lâ nia ndoni lâ tâno kulu. Maro Kindeni ipare nia papa lawea ñinde ñana tamâta sondo ñinde rârâni nenzi mateņa kâ.

### Kinzi tamâta sindeka ñana Babilon lawea zavaruņa kâ

**19** <sup>1</sup>Ñinde ilâ lâ, ñineņa naņa aloņo nduņeņa ñalae tina ipâņa lâ samba ilo, itogo tamâta ñgu ñalae kawanzi pakâe-pakâe mine. Aku sisarâwa mine tu,

“Tapanea Maro Kindeni ña! I nde kinda nenda Yautâņa Tamwata! I ña ñalae ndo, aku ne walo kaika nde ñalae tina! <sup>2</sup>Maro Kindeni ne vetâņa ñana ipare nia panzi tamâta kâ, ande mao ku sondo ndo. I ipa ñgua ñana ipare nia pa nzâla taine ñalae, inani kala muņa iyaulanzi tamâta ndoni lâ tâno kulu ñana i ne vetâņa potomule kie-kie kâ. Taine ñinde ne soki ñalae ñana ipunzi Maro Kindeni ne wurâta tamâta pâta simâte. Mine kala Maro Kindeni ipare nia papa i marumbu lâ.”

<sup>3</sup>Ñineņa kinzi sisarâwa kilo mine tu,

“Tapanea Maro Kindeni ña! Yââ kana lawea ñalae ñinde kala ne mundo kâki, ma ikâki mine ku imo nâ!”

<sup>4</sup>Aku kinzi aņelo mbâna-mbâna <sup>24</sup>, sitavanzi kekekele ñapa vianzi kâ ñinde, ande kinzi rârâni sipare tukunzi ku sipanea Maro Kindeni, ina

isaŋona koipu ŋalae ne saŋonâŋa nia. Kinzi sisarâwa mine tu, “Mao nâ! Tapanea Maro Kindeni ŋa!”

<sup>5</sup>Ŋineŋga sarawâŋa tonŋe nde iyoka pa Maro Kindeni ne saŋonâŋa nia imâ mine tu, “Miki Maro Kindeni ne wurâta tamâta rârâni, miki tamâta ŋalaŋala wa tamâta kaa kaa wa, miki ŋinde uru kamege ŋana i kâ, ande miki rârâni ma kapanea nenda Maro Kindeni!”

### **Lama ne waiŋa pakâeŋa kâ ne kâŋa-nuŋa ŋalae ipâŋga**

<sup>6</sup>Ŋineŋga naŋa aloŋo nduŋeŋa tonŋe, itogo tamâta ŋgu ŋalae tina sisuŋa kawanzi mine. Nduŋeŋa ŋinde itogo lââ ŋalae isonŋa ndue ne nduŋeŋani, aku itogo mbamba ipu kaika mine. Kinzi sisarâwa kaika siporo mine tu,

“Tapanea Maro Kindeni ŋa! Kinda nenda Maro Ŋalae Kindeni, i Walo Tamwata, ande imo Maro Ŋalae! <sup>7</sup>Kala ŋine kinda ilonda ara ku tandeka ŋalae tina, aku tapanea i ŋa. Ŋana tu Lama ne zo ŋana ikâe kâ nde imâ ipâŋga lâ, aku i kaiwa iluku lâ kala imo io tini ŋana. <sup>8</sup>Maro Kindeni pasawaŋa kanaŋeti tonŋe ilua pakâeŋa taine ŋinde ŋana isawa lâ tini kâ. Pasawaŋa ŋinde nde pâne ndo, aku muso tonŋe keno tini tia ndo.”

(Pasawaŋa kanaŋeti ŋinde nde itogo vetâŋa ara Maro Kindeni ne tamâta uru siveta.)

<sup>9</sup>Ŋineŋga aŋelo ŋinde ipai naŋa tu, “Noko kuŋgere ŋgua mine lâ pepa tini: ‘Tamâta ŋinde Maro Kindeni muŋga isarawanzi tu ma sika kâŋa-nuŋa ŋalae ŋana Lama ne waiŋa pakâeŋa kâ, kinzi tamâta ŋinde ma sindeka.’ ” Aku ipai naŋa kilo mine tu, “Ŋgua ŋine nde Maro Kindeni kawa ŋgua mao.”

<sup>10</sup>Aŋelo iporo mine lâ, ŋineŋga naŋa atundu ndue i kie tini laiti ŋana apanea i kâ. Andeta ipai naŋa mine tu, “Noko kuveta mine ndimo! Naŋa kala nde noko nuwala wurâta tamâta, tavanzi noko ninambwe ŋinde kalonzi tawana Yesu kawa ŋgua. Noko ma kupanea Maro Kindeni simbo nâ! Ŋgua rârâni Yesu muŋga iporo itula ŋinde, ande ŋana igagati tamâta ilonzi kalonzi ŋana situla i parina.”

### **Yoane imora tamâta tonŋe isaŋona hosi pâne tonŋe kumbu**

<sup>11</sup>Ŋineŋga naŋa amora samba ipwa, aku amora hosi pâne tonŋe imandi naonŋu. Aŋga tamâta tonŋe nde isaŋona hosi ŋinde kumbu, i ŋa mine tu, “Naŋa uru aveta ikura nanenŋu ŋgua pâŋa mine”, aŋga i ŋa tonŋe ikeno mine tu, “Naŋa uru aveta vetâŋa mao nâ”. I uru iveta vetâŋa sondo nâ, lâ zo ŋana ipa ŋgua ŋana ipare nia panzi tamâta kâ, aŋga lâ zo ŋana iveta paraŋa kâ tona. <sup>12</sup>I mata nde itogo yââ mela-mela mine, aku ikundu koipu ŋalaŋala nenzi loki-loki arara rârâ ŋinde lâ kulu. Aku ŋgua ŋgereŋa tonŋe ikeno lâ i tini. Ŋgua ŋinde nde ŋoa tonŋe, aku i tamwata simbo nâ

isama ŋoa ŋinde kilala. Kinzi tamâta sikura tu sisama ŋoa ŋinde kilala, ande tia. <sup>13</sup>I isawa pasawaŋa luandondo ara toŋge lâ tini, aku tamâta seenzi ikeno pasawaŋa ŋinde tini. Kinzi sipatu i ŋa mine tu, “Maro Kindeni Kawa Ŋgua”. <sup>14</sup>Aku naŋa amoranzi samba ne zugu tamâta soka i muli simâ. Kinzi zugu tamâta ŋinde taitu-taitu nde sisaŋona nenzi hosi pâne kumbunzi. Kinzi sisawa pasawaŋa pâne ara ndo lâ tininzi, kala salaga-salaga ndo. <sup>15</sup>Pila kazâŋa kâ toŋge, mata âla mwasina, ande ikeno tamâta iyoka imuŋga panzi ŋinde kawa ilo. Pila ŋinde nde ŋana ipunzi tamâta ŋgu lâ tâno kulu kâ. “I ma ikai poe kaika ndo panzi tâno tamâta rârâni.” Maro Kindeni Walo Tamwata ne wisi-nâna ŋalae tina nde ikeno panzi ne kazâŋa tamâta ŋinde. Mine kala i ma ipalenzî pâta, itogo tamâta sipale waini kanaŋo lâ kondo ŋalae ilo mine. <sup>16</sup>Aku ŋgua ŋgereŋa pinde nde ikeno lâ tamâta ŋinde ne pasawaŋa luandondo ŋinde tini, aku ikeno i kie tini mine nâ. Ŋgua ŋinde nde ŋoa toŋge, aku ikeno mine tu, “Naŋa amo Koipu Ŋalae panzi koipu ŋalaŋala rârâni, aku amo Maro Ŋalae panzi maro rârâni”.

<sup>17</sup>Ŋineŋga naŋa amora aŋelo toŋge imandi kari tini laiti. I isarâwa kaika panzi sii rârâni uru silou lâ nia maa, aku ipainzi mine tu, “Miki rârâni kamâ taitu ŋana kaka Maro Kindeni ne kâŋa-nuŋa ŋalae kâ! <sup>18</sup>Miki ma kaka tamâta rârâ mbatunzi, kinzi koipu ŋalaŋala wa, kinzi zugu tamâta nenzi koipu wa, kinzi tamâta kaika wa, kinzi zugu tamâta uru sisaŋona hosi kumbunzi wa. Aku miki ma kaka zugu tamâta ŋinde nenzi hosi mbatunzi tona. Miki ma kaka tamâta rârâni mbatunzi, kinzi tamâta uru siveta wurâta koa tia nâ wa kinzi tamâta uru sikai mbumbu lâ nenzi wurâta tini wa, kinzi sugorai tamwatanzi wa kinzi mbaliŋa warakanzi wa.”

<sup>19</sup>Ŋineŋga naŋa amora ŋgoa ŋgoi ŋinde. I imo kunzi tâno ne koipu ŋalaŋala sitavanzi nenzi zugu tamâta. Kinzi simâ taitu sipasau lâ ŋana sipara kuku tamâta ŋinde isaŋona hosi kumbu tavanzi i ne zugu tamâta. <sup>20</sup>Aku marumbu. Tamâta ŋinde ilâ ikale ŋgoa ŋgoi kaika lâ, aku ikale ŋgua-tulâŋa tamâta laŋeŋa ŋinde kaika tona, inani kala muŋga ikai ŋgoa ŋgoi ndamwa ku iveta mâsi kaika ŋalaŋala pinde. Ŋana ŋgua-tulâŋa tamâta laŋeŋa ŋinde ne vetâŋa ŋinde kâ, ande i muŋga ilaŋenzi tamâta pinde, kala sikai ŋgoa ŋgoi ne mâsi kilala lâ tininzi ku sipare tukunzi pa i ne pareŋa-mâsi tona. Andeta tamâta ŋinde ikainzi ŋgoa ŋgoi kuku i ne ŋgua-tulâŋa tamâta laŋeŋa ŋinde kâki, aku itambiranzi sindue silâ yââ ŋalae ne mbââ ilo, nia ŋinde mira ndimoro ipipi lâ ikeno ilo ku imo kana nâ.

<sup>21</sup>Ŋineŋga tamâta isaŋona hosi kumbu ŋinde nde ikai pila ŋinde muŋga ikeno i kawa ilo, aku ipunzi ŋgoa ŋgoi ne zugu tamâta ndoni sipamateteu marumbu lâ. Aku kinzi sii rârâni sika tamâta ŋinde rârâni mbatunzi lee kapwanzi pupuro ndo.

**Kinzi wâlo kaika nâ sipa Sadana kaika ikura  
mbwera tamâta tamâta (1,000)**

**20** <sup>1</sup>Aku naŋa amora aŋelo tonŋe ipile samba ku indue imâ. Aŋelo ŋinde ikai “ki” tonŋe lâ mbalau ilo. “Ki” ŋinde nde ŋana mbââ ŋalae, ne lambu tia ŋinde. Aku isaŋa wâlo kaika ŋalae tonŋe tona.

<sup>2</sup>Aŋelo ŋinde ilâ ku ikale mwâta ŋalae ŋinde kaika. Ina mwâta siŋga ndainani uru imo koroani saka nenzi koipu ŋalae, i ŋa tu Sadana. Ŋineŋga aŋelo ŋinde ipa mwâta kaika lâ wâlo ŋinde. Mwâta ma imo mine lee ikura lâ mbwera tamâta tamâta (1,000). <sup>3</sup>Ŋineŋga aŋelo itambira mwâta indue ilâ mbââ ŋalae ne lambu tia ŋinde ilo. Ŋineŋga aŋelo isae mbââ ne nzâla, ku ipa giri lâ. Mine kala Sadana ma ikura tu ilaŋenzi tamâta kilo tia lee, mbwera tamâta tamâta (1,000) ŋinde marumbu lâ ŋga. Ŋineŋga kinzi ma siyaute i piti, ikura Maro Kindeni ne pateâŋa mine, aku Sadana ma iyoka ilâ wa imâ wa ikura zo mbwana-mbwana nâ.

<sup>4</sup>Aku naŋa amora saŋonâŋa nia pinde sitogo koipu ŋalaŋala nenzi saŋonâŋa nia mine, ande ŋgua-samâŋa tamâta pinde sisajona kulu. Aku naŋa amora tamâta rârâ korananzi tona, kinzi kalo-tawana tamâta ŋinde muŋga simandi kaika ŋana situla Yesu parina wa Maro Kindeni kawa ŋgua wa. Ŋana nenzi vetâŋa ŋinde kâ, ande nenzi kazâŋa tamâta sipunzi pâta simâte lâ. Kinzi tamâta ŋinde ŋandai sipare tukunzi pa ŋgoa ŋgoi tava i ne pareŋa-mâsi ŋga, aku ŋandai sikai i ne mâsi kilala lâ mbaunzi wa ndamwanzi ŋga. Kinzi tamâta ŋinde simâte lâ, ŋineŋga simandi sânda simo vianzi kilo, aku Maro Kindeni i ndamwa ilanzi ŋana simo koipu ŋalaŋala kâ. Kinzi simo koipu ŋalaŋala mine nâ lâ Kirisi kalo, ikura mbwera tamâta tamâta (1,000). <sup>5</sup>Pa zo ŋinde, kinzi tamâta ŋinde simbonzi nâ ma simandi sânda simo vianzi kilo. Mine kala kinzi ma simuŋga panzi tamâta ndoni ŋana simo vianzi kilo kâ. Aku muli, mbwera tamâta tamâta (1,000) ŋinde marumbu lâ, ŋineŋga kinzi mateŋa tamâta rârâni ma simandi simo vianzi kilo tona. <sup>6</sup>Kinzi tamâta ŋinde kala simuŋga ŋana simo vianzi kilo kâ, kinzi ŋinde ma sindeka ŋalae, ŋana tu Maro Kindeni ipateanzi tu ma simo i ne ŋgu. Aku muli, lâ zo ŋana Maro Kindeni ma ipare nia panzi tamâta ku ma ipunzi pâta, ande mateŋa ŋinde ma ikura ŋana izavarunzi i ne tamâta ŋinde kâ, ande tia ndo. Kinzi ma simo Maro Kindeni kuku Yesu Kirisi rua nenzi patarawâŋa tamâta, ku ma simo sikai koipu ŋalae lâ Kirisi kalo ikura mbwera tamâta tamâta (1,000).

**Maro Kindeni izavaru Sadana ndo lâ**

<sup>7</sup>Mbwera tamâta tamâta (1,000) ŋinde ma marumbu lâ, ŋineŋga kinzi aŋelo ma sikai nzâla ŋana mbââ ŋalae ne lambu tia ŋinde piti, aku Sadana ma iyâti imâ pa nia yo. <sup>8</sup>Ŋineŋga Sadana ma ilâ ŋana ilaŋenzi tamâta ŋgu ndoni lâ tâno kulu. Kinzi ŋgu ŋinde ŋanzi paveâŋa rua ikeno

mine tu, “Gok” anġa “Magok”. Sadana ma ilanġenzi, ku ma igonanzi nġana siġġoloa paraġna kâ. Kinzi zugu tamâta nġgu nġinde kambwaġenzi nde nġalae ndo, itogo paulo ikeno sâwaneka ndoni mine. <sup>9</sup>Kinzi ma soka pa nia ndoni lâ tâno kulu simâ, aku ma siġġe lawea nġinde Maro Kindeni ilo ndo keno papa. Aku kinzi ma siġġenzi Maro Kindeni ne tamâta rârâni simo lawea nġinde ilo tona. Andeta yââ ma iyoka pa samba indue imâ, ku ma kananzi zugu tamâta nġinde rârâni sipamateteu lâ.

<sup>10</sup>Aku kinzi aġelo ma sikai Sadana, ina muġġa ikai laġeġa panzi tamâta, aku ma sitambira indue ilâ yââ nġalae ne mbââ ilo, nia nġinde mira ndimoro ipipi lâ ikeno ilo ku imo kana nâ. Kinzi aġelo muġġa sitambiranzi nġgoa nġgoi kuku ne nġgua-tulâġna tamâta laġeġa rua sindue silâ pa niani ndaina. Aku kinzi nġato, Sadana anġa nġgoa nġgoi anġa nġgua-tulâġna tamâta laġeġa, kinzi nġinde ma sikai nâna nġalae tina ikura kari wa mbo wa, ma simo mine ku simo nâ.

### Maro Kindeni ipare nia panzi tamâta rârâni

<sup>11</sup>Nġineġġa naġa amora Maro Kindeni isaġona koipu nġalae ne saġonâġna nia. Saġonâġna nia nġinde nde nġalae tina, aku pâne ndo. Aku tâno tava nia maa nde sipile nianzi lâ i nao ku sikâwa silâ, kala naonzi tia lâ. <sup>12</sup>Nġineġġa naġa amoranzi tamâta rârâni muġġa simo vianzi, kinzi mbaliġa warakanzi wa sugorai tamwatanzi wa, kinzi rârâni simandi simo koipu nġalae ne saġonâġna nia nao. Nġineġġa kinzi aġelo simazara pepa pinde, nġgua nġana tamâta rârâni nenzi vetâġna muġġa siveta nġinde nde ikeno lâ tini. Aku simazara pepa tonġe tona, aku nġinde nde via ne pepa. Aku i nġinde uru isaġona koipu nġalae ne saġonâġna nia, ande i mata ilea pa nġgua ikeno lâ pepa rârâni nġinde tininzi. Nġineġġa ipa nġgua nġana ipare nia panzi tamâta rârâni taitu-taitu, ikura vetâġna ndia muġġa siveta nġinde. <sup>13</sup>Tamâta ea kinzi muġġa simâte lâ tâi ilo, ande tâi isâu nġana kinzi rârâni tu ma silâ pa Maro Kindeni ne nġgua nia nġinde. Aku Mateġa nġga Mateġa Nianzi, kinzi rua kala mine nâ sisâu panzi tamâta rârâni simo nġinde tu ma silâ pa Maro Kindeni ne nġgua nia nġinde tona. Aku i nġinde uru isaġona koipu nġalae ne saġonâġna nia, ande ipa nġgua nġana ipare nia panzi tamâta rârâni taitu-taitu, ikura vetâġna ndia muġġa siveta nġinde. <sup>14</sup>Aku muli, nġineġġa itambiranzi Mateġa kuku Mateġa Nianzi rua sindue silâ pa yââ nġalae ne mbââ ilo, nia nġinde mira ndimoro ipipi lâ ikeno ilo ku imo kana nâ. Yââ nġinde nde mateġa nġana ipânġa muli kâ. <sup>15</sup>Aku tamâta ea kinzi nġanzi nġandai ikeno lâ via ne pepa tini, ande kinzi aġelo sitambiranzi tamâta nġinde rârâni sindue silâ pa yââ nġalae ne mbââ ilo.

### Maro Kindeni iveta samba wa tâno wasaseki sipânġa

**21** <sup>1</sup>Nġineġġa naġa amora samba wa tâno wasaseki sipânġa. Samba wa tâno muġġâġa nġinde nde sikâwa silâ marumbu lâ, kala naonzi tia lâ. Aku tâi kala nao tia lâ mine nâ.

<sup>2</sup>Ɔjineŋga naŋa amora Maro Kindeni ne lawea sapâŋa, i ŋa tu Jerusalem lawea, andeta ipâŋga wasaseki. Lawea ŋinde nde imo kuku Maro Kindeni, aku ipile samba indue imâ. I ne siŋgâra ara ndo, itogo pakâeŋa taine isiŋga siŋgâra arara ku iluku ŋana ikai kaiwa tamâne kâ. <sup>3</sup>Ɔjineŋga naŋa aloŋo sarawâŋa kaika toŋge iyoka pa koipu ŋalae ne saŋonâŋa nia imâ mine tu, “Kala ŋine Maro Kindeni imo kunzi tamâta. I ma imo ŋgininzi, aku kinzi ma simo i ne ŋgu. Mao nâ, Maro Kindeni tamwata ma imo kunzi, aku ma imo nenzi Maro Ɔalae. <sup>4</sup>I ma itare matanzi sulu piti lâ tamâta rârâni taitu-taitu matanzi. Kinzi ma simâte kilo tia, aku ma siveta kalo-kalo wa sita kilo, ande tia. Aku kinzi ma sikai nâna toŋge kilo tia, ŋana tu zo muŋgâŋa ne vetâŋa rârâni ŋinde nde marumbu ndo lâ.”

<sup>5</sup>Aku i ŋinde uru isaŋona koipu ŋalae ne saŋonâŋa nia, ande iporo mine tu, “Noko kuloŋo ŋga; naŋa apulia kelekele ndoni sipâŋga wasaseki ndo!” Ɔjineŋga iporo kilo mine tu, “Noko ma kuŋgere ŋgua ŋine lâ pepa tini, ŋana tu ŋgua ŋine nde mao kanaŋo. Ara ŋana tamâta rârâni ma kalonzi tawana ŋgua ŋine.”

<sup>6</sup>Aku ipai naŋa kilo mine tu, “Kala vetâŋa rârâni nde ipâŋga marumbu lâ. Naŋani warakâŋgu amo muŋgani lâ, kala ma amo muli ndo. Tamâta ea irakoŋa ŋana lââ kâ, ande naŋa ma asâu papa i tu ma inu via ne lââ, lââ ŋinde uru isâko lâ lââ bwalika ilo. Aku lââ ŋinde ne kulu ŋana tamâta ma iko kâ, ande tia. <sup>7</sup>Tamâta ea kinzi sipole kazâŋa, ande kelekele arara rârâni ŋinde ma naŋa alanzi. Naŋa ma amo tamâta ŋinde nenzi Maro Ɔalae, aku kinzi ma simo naŋa natuŋgu wukale. <sup>8</sup>Andeta tamâta rârâ ma sikai kelekele arara ŋinde, ande tia. Kinzi tamâta ea uru siruru kala sivea nenzi kalo-tawana, aŋga tamâta ea kalonzi tawana tia, aŋga tamâta ea uru siveta vetâŋa sakamao lâ Maro Kindeni nao, aŋga tamâta ea uru sipunzi tamâta pâta simâte, aŋga tamâta ea uru sipalulua tininzi potomule, aŋga tamâta ea uru siveta nzâmbe sakamao, aŋga tamâta ea uru sipare tukunzi ŋana sipaneanzi maro laŋeŋa kâ, aŋga tamâta ea uru siporo ŋgua laŋeŋa; kinzi tamâta ŋinde rârâni ma silâ pa yââ ŋalae ne mbââ ilo, nia ŋinde mira ndimoro ipipi lâ ikeno ilo ku imo kana nâ. Niani ndaina ande kinzi tamâta ŋinde nianzi. Ɔjinde nde mateŋa ŋana ipâŋga muli kâ.”

### Yoane imora Jerusalem lawea wasaseki

<sup>9</sup>Ɔjineŋga aŋelo toŋge imâ pa naŋa. Aŋelo ŋinde nde kinzi aŋelo lima kanaŋonzi rua ŋinde nenzi toŋge, kinzi ŋinde muŋga sisaŋa kondo lima kanaŋo rua kelekele sakamao ŋana izavarunzi tamâta kâ ikeno ilo. Aku aŋelo ŋinde ipai naŋa mine tu, “Noko kumâ, aku naŋa ma atula pakâeŋa taine pano, inani kala ma imo Lama kaiwa.” <sup>10</sup>Ɔjineŋga Koroani Sapâŋa ipaŋando naŋa ndo lâ, aku aŋelo ikai naŋa alâ tuu ŋalae toŋge kulu. Tuu

ņinde nde ikâki ilâ âta ŋinde. Ŋineņga aņelo ŋinde itula Maro Kindeni ne lawea sapâņa pa naņa, i ŋa tu Jerusalem lawea. Lawea ŋinde nde imo kuku Maro Kindeni, aku ipile samba indue imâ. <sup>11</sup>Maro Kindeni ne walo kaika nde isinala lawea ŋalae ŋinde ndo lâ. Lawea ŋinde ne sinâla nde salaga kie toņge ndo, itogo mira kanaņeti toņge ŋa mine “jaspa”, ne kulu ŋalae. Opopo, lawea ŋinde nde isalaga itogo nduņgu mine! <sup>12</sup>Lawea ŋinde ne ŋgumbi nde iņge ikâki lâ âta ŋinde. Aku nzâla kawa saņao kanaņo rua nde ikeno ŋgumbi ŋinde tini. Aņelo toņge nde imandi io lâ nzâla kawa saņao kanaņo rua ŋinde taitu-taitu. Isrel ŋgu kambwaņenzi saņao kanaņo rua simo, aku ŋgu toņge ŋa ikeno lâ nzâla kawa ŋinde taitu-taitu tininzi. <sup>13</sup>Lawea ŋinde ne ŋgaņe ŋapa, aku nzâla kawa ŋato nde ikeno lâ ŋgumbi tini lâ ŋgaņe ŋapa ŋinde taitu-taitu. Nzâla kawa ŋato nde keno lâ ŋgumbi tini pa mbwera kâ, aņga nzâla kawa ŋato nde keno lâ ŋgumbi tini pa wâra kâ, aņga nzâla kawa ŋato nde keno lâ ŋgumbi tini pa lâmbu kâ, aņga nzâla kawa ŋato nde keno lâ ŋgumbi tini pa âta kâ. <sup>14</sup>Lawea ŋinde ne ŋgumbi nde imandi lâ mira ŋalaņala saņao kanaņo rua kulunzi. Aku Lama ne pâri-tamâta toņge ŋa ikeno lâ mira saņao kanaņo rua ŋinde taitu-taitu tininzi.

<sup>15</sup>Aku aņelo ŋinde, inani kala iporo ŋgua pa naņa, ande isaņa tukâla “gol” ŋana iloe lawea ŋinde tava ne ŋgumbi wa ne nzâla kawa wa. <sup>16</sup>Lawea ŋinde ne ŋgaņe ŋapa nenzi luandondo nde rege-rege nâ. Aņelo ŋinde ikai ne tukâla ku iloe lawea ŋinde, aku lawea ne ŋgaņe ŋapa taitu-taitu nenzi luandondo nde ipâņa ikura nia mbuku 2,400 mine. Aku mine nâ, lawea ŋinde kala ikâki âta ikura nia mbuku 2,400 mine. <sup>17</sup>Aņelo ne tukâla ŋinde nde irerege kuku kinda tamâta nenda tukâla ŋana taloe kelekele kâ. Aku aņelo iloe lawea ne ŋgumbi tona, aku ŋgumbi ŋinde ikâki âta ikura “mita” tamâta ŋato kanaņo lima (65) mine. <sup>18</sup>Maro Kindeni iveta lawea ŋinde ne ŋgumbi lâ mira ara toņge, i ŋa tu “jaspa”. Aņga lawea ŋinde ilo ndoni, ande iveta lâ mira “gol” nâ. Mira “gol” ŋinde nde zuzuli ndo, kala lawea ŋinde nde isalaga itogo nduņgu mine. <sup>19</sup>Aku siņgâra arara nâ nde ikeno lawea ŋinde ne ŋgumbi duvi tini. Siņgâra ŋinde nde mira arara kie-kie, nenzi kulu ŋalae tina. Mira kanaņeti toņge, i ŋa mine “jaspa”, ande ikeno lâ ŋgumbi duvi tini. Aņga mira toņge nde ŋa mine “sapaia”, i tini geza-geza; aņga toņge nde ŋa mine “aget”; aņga toņge nde ŋa mine “emeral”, i tini kenza; <sup>20</sup>aņga mira toņge nde ŋa mine “sadonikis”, i tini ŋgere-ņgere wa pâne ipu tutu; aņga toņge nde ŋa mine “konilian”, i tini ŋgere-ņgere; aņga toņge nde ŋa mine “krisolait”, i tini yaņâņo; aņga mira toņge nde ŋa mine “beril”, i tini geza-geza; aņga toņge nde ŋa mine “topas”, i tini yaņâņo; aņga toņge nde ŋa mine “krisopres”; aņga mira toņge nde ŋa mine “haiasin”; aņga toņge nde ŋa mine “ametis”, i tini ŋgere-ņgere. <sup>21</sup>Maro Kindeni iveta ŋgumbi ŋinde ne nzâla kawa lâ mbote-mbote toņge, i ŋa mine “pel”, i ne kulu ŋalae tina. Iveta nzâla kawa taitu-taitu lâ mbote-mbote “pel” taitu-



taitu. An̄ga nzâla ŋalae ikeno lawea ŋinde ilo, ande iveta lâ mira “gol” nâ. Mira “gol” ŋinde nde zuzuli ndo, kala isalaga itogo nduŋgu mine.

<sup>22</sup>Naŋa amora luma sapâŋa ton̄ge imandi lawea ŋinde ilo, ande tia, ŋana tu Maro Ŋalae Kindeni, i Walo Tamwata, kuku Lama rua, kinzi rua simo lawea ilo ikura zo zo. Mine kala tamâta sikura tu siwâŋgi sipanea kinzi rua lâ nia ndoni. <sup>23</sup>Aku kari ŋga nzimona nenzi wurâta ŋana sisinala lawea ŋinde kâ, ande tia, ŋana tu Maro Kindeni tamwata ne walo kaika uru isinala lawea ŋinde. Aku Lama kala imo itogo lawea ŋinde ne sinâla tona. <sup>24</sup>Tamâta ŋgu ndoni ma soka lawea ŋinde ne sinâla ŋalae ilo. An̄ga koipu ŋalaŋala lâ lawea ndoni lâ tâno kulu ma sikai nenzi mbaliŋa silâ lawea ŋinde ilo. <sup>25</sup>Aku nzâla rârâni ikeno lawea ŋinde ne ŋgumbi tini nde ma ikeno kawa maa nâ. Kinzi ma sisae nzâla kawa ŋinde, ande tia, ŋana tu kondoma ton̄ge ma ikura ŋana ipâŋga lâ lawea ŋinde, ande ma tia. <sup>26</sup>Tamâta ŋgu ndoni ma sikai nenzi mbaliŋa wa siŋgâra arara ndoni silâ lawea ŋinde ilo. <sup>27</sup>Andeta kelekele ndia ikeno muso lâ Maro Kindeni nao, ande kelekele mine ma ikura ŋana ilâ lawea ŋinde ilo, ande tia ndo. Aku mine nâ, tamâta ea kinzi uru siveta vetâŋa potomule wa siporo ŋgua laŋeŋa wa, ande kinzi tamâta mine kala ma sikura ŋana silâ lawea ŋinde ilo, ande tia ndo. Tamâta ea ŋanzi ikeno lâ Lama ne pepa ŋana via kâ tini, ande kinzi ŋinde nâ ma sikura ŋana silâ lawea ŋinde ilo.

### Yoane imora via ne lââ tava via ne kâi

**22** <sup>1</sup>Ŋineŋga aŋelo ŋinde itula lââ ŋalae ton̄ge pa naŋa. Lââ ŋinde nde via ne lââ, aku isalaga ndo, itogo nduŋgu mine. Lââ ŋinde nde isâko lâ Maro Kindeni kuku Lama rua nenzi saŋonâŋa nia kalo, <sup>2</sup>aku irere indue ilâ lâ lawea ne nzâla ŋalae ŋgini. An̄ga via ne kâi nde imandi lâ lââ ŋinde ne pâŋga pwali rua-ruani. Kâi ŋinde nde uru ipula kanaŋo mbwani saŋao kanaŋo rua ikura mbwera taitu-taitu. I uru ipula kanaŋo ikura nzimona rârâni. Aku kâi ŋinde ne lau nde ŋana ivetanzi tamâta lâ ŋgu ndoni tininzi ara kâ. <sup>3</sup>An̄ga kelekele ndia ikeno ara tia lâ Maro Kindeni nao, ande kelekele mine ma ikeno lawea ŋinde ilo, ande tia ndo. Maro Kindeni kuku Lama rua nenzi saŋonâŋa nia ma ikeno lâ lawea ŋinde ilo, aku Maro Kindeni ne tamâta rârâni ma simo sipanea i. <sup>4</sup>Kinzi matanzi ma simora Maro Kindeni nao, aku i ma iŋgere i ŋa lâ kinzi tamâta ŋinde taitu-taitu ndamwanzi. <sup>5</sup>Kondoma ma ipâŋga kilo tia, ŋana tu Maro Ŋalae Kindeni tamwata ma imo tamâta nenzi sinâla. Mine kala wurâta ma ikeno kilo panzi kari wa “lamu” ŋana sipane nia kâ, ande tia. Maro Ŋalae Kindeni kuku Lama rua ma sikai koipu ŋalaŋala ikura zo zo, ma simo mine ku simo nâ.

### Yesu ne zo ŋana itaulo imâ kilo kâ, nde imâ ipâŋga laiti lâ

<sup>6</sup>Aŋelo ŋinde nde ipai naŋa mine tu, “Ŋgua ŋine nde mao kanaŋo. Ara ŋana tamâta rârâni ma kalonzi tawana ŋgua ŋine. Maro Ŋalae Kindeni,

ina uru Koroani Sapâŋa ilanzi ne ŋgua-tulâŋa tamâta, ande io ne aŋelo imâ ŋana itula ŋgua panzi i ne tamâta, ŋana vetâŋa rârâni ipatea tu ma tini nâ ma imâ ipâŋga.”

<sup>7</sup>Aku Yesu iporo tu, “Zo mbwana-mbwana nâ, ŋineŋga naŋa ma amâ apâŋga.” Tamâta ea kalonzi tawana ŋgua ŋana zo muli kê ikeno lâ pepa ŋine tini, ande kinzi ŋinde ma sindeka.

<sup>8</sup>Naŋa Yoane warakâŋgu aloŋo ŋgua ŋinde lâ, aku amora vetâŋa ŋinde tava. Naŋa aloŋo wa amora marumbu lâ, ŋineŋga apare tukunŋu lâ aŋelo ŋinde kie tini laiti, ina kala muŋga itula vetâŋa ŋinde pa naŋa. Naŋa atu ma apanea i. <sup>9</sup>Andeta aŋelo ipai naŋa mine tu, “Noko ma kuveta mine ndimo! Naŋa kala amo noko nuwala wurâta tamâta, tavanzi noko ninambwe ŋgua-tulâŋa tamâta. Aku tamâta ea kalonzi tawana ŋgua rârâni ikeno lâ pepa ŋine tini, ande naŋa kala amo kinzi tamâta ŋinde nawalanzi tona. Noko ma kupanea Maro Kindeni simbo nâ!”

<sup>10</sup>Ŋineŋga aŋelo iporo pa naŋa kilo mine tu, “Noko ma kusilikana ŋgua ŋana zo muli kê ikeno lâ pepa ŋine tini ndimo, ŋana tu zo imâ ipâŋga laiti lâ ŋana vetâŋa rârâni ŋinde ma ipâŋga kê. <sup>11</sup>Mine kala tamâta ea kinzi uru siveta vetâŋa potomule, ande kinzi ma simo siveta vetâŋa potomule ndainani nâ. Aŋga tamâta ea uru siveta vetâŋa pinde muso lâ Maro Kindeni nao, ande kinzi ma simo siveta vetâŋa muso ndainani nâ. Aŋga tamâta ea uru siveta vetâŋa ara lâ Maro Kindeni nao, ande kinzi ma simo siveta vetâŋa arara ndainani nâ. Aŋga tamâta ea Maro Kindeni ipateanzi tu simo sapâŋa, ande kinzi ma simo sapâŋa mine nâ.”

<sup>12</sup>Yesu iporo ŋgua mine tu, “Miki kaloŋo ŋga; zo mbwana-mbwana nâ, ŋineŋga naŋa ma amâ apâŋga. Aku naŋa ma koa alanzi tamâta ndoni. Naŋa ma akatu kulu panzi tamâta rârâni taitu-taitu, ikura vetâŋa ndia muŋga siveta ŋinde. <sup>13</sup>Naŋani warakâŋgu amo muŋgani lâ, kala ma amo muli ndo. Naŋa amo ikura zo rârâni, uru amo mine ku amo nâ. <sup>14</sup>Tamâta ea kinzi muŋga sipua nenzi pasawaŋa luandondo kala sipâŋga pâne ndo, ande kinzi ŋinde ma sindeka, ŋana tu kinzi ma sikura ŋana sika kanaŋo ŋinde ikeno via ne kêi tini. Aku kinzi ma sikura ŋana soka pa nzâla kawa ikeno lawea ŋinde ne ŋgumbi tini, aku ma silâ lawea ilo. <sup>15</sup>Aŋga tamâta ea kinzi uru siveta vetâŋa kaa-kaa sakamao wa, siveta nzâmbe sakamao kie-kie wa, sipalulua tininzi potomule wa, sipunzi tamâta pâta simâte wa, sipare tukunzi ŋana sipaneanzi maro laŋeŋa wa, tininzi mwasa pa vetâŋa laŋeŋa ku soka muli, ande kinzi tamâta ŋinde rârâni ma simo niaka ndo ŋana Maro Kindeni ne lawea ŋinde kê.

<sup>16</sup>Naŋa Yesu ao nanenŋu aŋelo imâ pa miki kalo-tawana tamâta lâ ŋgu lima kanaŋomi rua lâ, ŋana i ma itula ŋgua ŋine rârâni pami. Naŋani warakâŋgu nde Koipu Ŋalae Daviti ne Vâsa, aku naŋa nde Pitu Mboi ŋalae ŋinde uru ipane nia ndo lâ mbwale-mbwale kê.”

<sup>17</sup>Koroani Sapâŋa kuku Lama kaiwa rua siporo mine tu, “Noko kumâ!” Aku tamâta ea iloŋo kinzi rua nenzi ŋgua ŋine, ande ara ŋana i kala ma

iporo ŋguani ndaina nâ tu, “Noko kumâ!” Aku tamâta ea irakoŋa ŋana lââ kâ, ande ara ŋana i ma imâ. Tamâta ea itu inu via ne lââ, ande ara, i ma inu lââ ŋinde, aku ma iko tia.

**Yoane itu ŋgua kaika panzi tamâta ea siloŋo  
ŋgua ikeno lâ pepa ŋine tini**

<sup>18</sup>Naŋa atu ŋgua kaika pa noko ea kuloŋo ŋgua ŋana zo muli kâ ikeno lâ pepa ŋine tini. Ambo tamâta tonŋe ma iseŋge ŋgua wasaseki tonŋe lâ ŋgua ŋine, ande Maro Kindeni ma iseŋge vetâŋa sakamao ndo ipâŋga pa tamâta ŋinde. Ŋgua ŋana vetâŋa sakamao ŋinde nde ikeno lâ pepa ŋine tini. <sup>19</sup>Ambo tamâta tonŋe ma imora ŋgua ŋana zo muli kâ ikeno lâ pepa ŋine tini, aku ma ikai ŋgua tonŋe piti, ande Maro Kindeni ma ikai kelekele ara saŋe i, kala i ma ikura ŋana ika kanaŋo ŋinde ikeno via ne kâi tini, ande tia. Aku i ma ikura ŋana imo Maro Kindeni ne lawea ŋinde ilo, ande tia. Ŋgua ŋana vetâŋa ara ŋine kâ nde ikeno lâ pepa ŋine tini.

<sup>20</sup>Yesu itula ŋgua pwataki ŋana vetâŋa ŋine rârâni kâ. Aku i tamwata iporo mine tu, “Mao nâ, zo mbwana-mbwana nâ, ŋineŋga naŋa ma amâ apâŋga.” Ŋgua ŋine nde mao nâ. Maro Yesu, kumâ ŋga!

<sup>21</sup>Maro Yesu ne wisi-wisi imo kunzi Maro Kindeni ne tamâta rârâni. Mao.